

গোস্বামী তুলসীদাস কৃত কবিতাবলী

।১।

ওঁ

শ্রীসীতারামভ্যাং নমঃ

কবিতাবলী

বালকাণ্ড

রেফ আত্মচিন্ময় অকল, পরব্রহ্ম পররূপ।

হরি-হর-অজ-বন্দিত-চরন, অগুণ অনীহ অনুপ ॥১॥

বালকেলি দশরথ-অজির, করত সো ফিরত সভায়।

পদনখেন্দু তেহি ধ্যান ধরি বিচরত তিলক বনায় ॥২॥

অনিলসুবন পদপদ্মরজ, প্রেম সহিত শির ধার ।

ইন্দ্রদেব টীকা রচত, কবিতাবলী উদার ॥৩॥

বন্দোঃ শ্রীতুলসীচরন নথ, অনুপ দুতিমাল ।

কবিতাবলি-টীকা লসৈ কবিতাবলি-বরভাল ॥৪॥

বালরূপকী ঝাঁকী

অবধেসকে দ্বারেং সকারেং গঙ্গী সুত গোদ কৈ ভূপতি লৈ নিকসে।

অবলোকি হোং সোচ বিমোচনকো ঠগি-সী রহী, জে ন ঠগে ধিক-সে ॥

তুলসী মন-রঞ্জন রঞ্জিত-অঞ্জন নৈন সুখঞ্জন-জাতক-সে।

সজনী সসিমং সমসীল উভৈ নবনীল সরোরুহ-সে বিকসে ॥

পগ নুপুর ও পহুঁচী করকঞ্জনি মঞ্জু বনী মনিমাল হিঞঁ।

নবনীল কলেবর পীত ঝাংগা ঝলকৈ পুলকৈং নুপু গোদ লিঞঁ ॥

অরবিন্দু সো আননু রূপ মরন্দু অনন্দিত লোচন-বৃঙ্গ পিঞঁ।

মনমো ন বসোয়া অস বালকু জোং তুলসী জগমেং ফলু কৌন জিঞঁ ॥

তনকী দুতি স্যাম সরোৰুহ লোচন কঞ্চকী মঞ্জুলতাপ্ত হইলৈ।
অতি সুন্দর সোহত ধূরি ভৰে ছবি ভূরি অনঙ্গকী দূরি ধৰৈং ॥

দমকৈং দঁতিয়াঁ দুতি দামিনি-জ্যোং কিলকৈং কল বাল-বিনোদ কৰৈং।
অবধেসকে বালক চাৰি সদা তুলসী-মন-মন্দিরমেং বিহৰৈং ॥

বাললীলা

কবহুঁ সসি মাগত আৰি কৰৈং কবহুঁ প্ৰতিবিশ্ব নিহাৰি ডৰৈং।
কবহুঁ কৰতাল বজাইকৈ নাচত মাতু সৰৈ মন মোদ ভৰৈং ॥

কবহুঁ রিসিআই কহৈং হঠিকৈ পুনি লেত সোপ্ত জেহি লাগি অৰৈং।
অবধেসকে বালক চাৰি সদা তুলসী-মন-মন্দিরমেং বিহৰৈং ॥

বর দন্তকী পঙ্গতি কন্দকলী অধরাধর-পল্লব খোলনকী।
চপলা চমকৈং ঘন বীচ জগৈং ছবি মোতিন মাল অমোলনকী ॥

৩

ঘুঁঘুরাৰি লটেং লটকৈং মুখ উপর কুণ্ডল লোল কপোলনকী।
নেবছাবৰি প্ৰান কৰৈ তুলসী বলি জাউঁ ললা ইন বোলনকী ॥

পদকঞ্জনি মঞ্জু বনীং পনহীং ধনুহীং সর পঙ্কজ-পানি লিওঁ।
লরিকা সঁগ খেলত ডোলত হৈং সরজু-তট চৌহট হাট হিওঁ ॥

তুলসী অস বালক-সোং নহি নেহু কথা জপ জোগ সমাধি কিওঁ।
নর বে থর সুকর স্বান সমান কহৌ জগমেং ফলু কৌন জিওঁ ॥

সরজু বর তীরহিং তীর ফিরৈং রঘুবীর সখা অরু বীর সৰৈ।
ধনুহীং কর তীর, নিষঙ্গ কসেং কটি পীত দুকুল নবীন ফৰৈ ॥

তুলসী তেহি ওসর লাবনিতা দস চাৰি নৌ তীন ইকীস সৰৈ।
মতি ভারতি পঙ্গু ভঙ্গি জো নিহাৰি বিচাৰি ফিৰী উপমা ন পৰৈ ॥

৪

ধনুযজ্ঞ

ছোণীমেঙ্কে ছোণীপতি ছাজৈ জিলৈহ ছত্ৰছায়া
ছোণী-ছোণী ছাএ ছিতি আএ নিমিৰাজকে।
প্ৰবল প্ৰচণ্ড বৰিবণ্ড বর বেষ বপু
বৰিবকোং বোলে বৈদেহী বর কাজকে ॥

বোলে বন্দী বিরুদ বজাই বর বাজনেউ
বাজে-বাজে বীর বাহু ধুনত সমাজকে।
তুলসী মুদিত মন পুর নর-নারি জেতে
বার-বার হৈলৈং মুখ ওধ-মৃগরাজকে ॥

সিয়কেং স্বয়ম্বর সমাজু জহাঁ রাজনিকো
 রাজনকে রাজা মহারাজা জানৈ নাম কো।
 পবনু পুরন্দর, কৃসানু, ভানু, ধনদু-সে,
 গুনকে নিধান রূপধাম সোমু কামু কো॥

বান বলবান জাতুধানপ সরীথে সূর
 জিনহকেং গুমান সদা সালিম সঙগ্রামকো।
 তহাঁ দসরথকেং সমথ নাথ তুলসীকে
 চপরি চঢ়ায়ো চাপু চন্দ্রমাললামকো॥

ময়নমহনু পুরদহনু গহন জানি
 আনিকৈ সবেকো সারু ধনুষ গঢ়ায়ো হৈ।
 জনকসদসি জেতে ভলে-ভলে ভূমিপাল
 কিয়ে বলহীন, বল আপনো বঢ়ায়ো হৈ॥

কুলিস-কঠোর কুম্পীঠতেং কঠিন অতি
 হঠি ন পিনাকু কাহুঁ চপরি চঢ়ায়ো হৈ।
 তুলসী সো রামকে সরোজ-পানি পরসত হী
 টুটৌ মানো বারে তে পুরারি হী পঢ়ায়ো হৈ॥

ডিগতি উর্বি অতি গুর্বি সর্ব পঙ্কৈ সমুদ্র-সর।
 ব্যাল বধির তেহি কাল, বিকল দিগপাল চরাচর॥

দিগ্গয়ন্দ লরথরত পরত দসকঙ্ক মুক্খ ভর।
 সুর-বিমান হিমভানু ভানু সঙ্ঘটত পরসপর॥

চোঙ্কে বিরঞ্ছি সঙ্কর সহিত, কোলু কমঠু অহি কলমল্যো।
 ব্রহ্মণ্ড থণ্ড কিয়ো চণ্ড ধুনি জবহিং রাম সিবধনু দল্যো॥

লোচনাভিরাম ঘনস্যাম রামরূপ সিসু,
 সখী কহৈ সখীসোং তুঁ প্রেমপয় পালি, রী।
 বালক নৃপালজুকেং খ্যাল হী পিনাকু তোন্ যো,
 মণ্ডলীক-মণ্ডলী-প্রতাপ-দাপু দালি রী॥

জনককো, সিয়াকো, হমারো, তেরো, তুলসীকো,
 সবকো ভাবতী হৈহৈ, মৈং জো কহ্যো কালি, রী।
 কৌসিলাকী কোথিপর তোষি তন বারিয়ে, রী
 রায় দশরথকী বলৈয়া লিজৈ আলি রী॥

দুব দধি রোচনু কনক থার ভরি ভরি

আরতি সঁবারি বর নারি চলীং গাবতী।
লীনেহং জয়মাল করকঞ্জ সোহেং জানকীকে
পহিরাবো রাঘোজুকো সখিয়াঁ সিখাবতীং ॥

তুলসী মুদিত মন জনকনগর-জন
ঝাঁকতীং ঝরোথেং লাগীং সোভা রানীং পাবতীং।
মনহঁ চকোরীং চারু বৈঠীং নিজ নিজ নীড
চন্দকী কিরনি পীবৈং পলকৌ ন লাবতীং
নগর নিসান বর বাজৈং ব্যোম দুন্দুভীং
বিমান চটি গান কৈকে সুরনারি নাচহীং।
জয়তি জয় তিহঁ পুর জয়মাল রাম উর
বরষৈং সুমন সুর রুরে রূপ রাচহীং ॥

জনককো পনু জয়ো, সবকো ভাবতো ভয়ো
তুলসী মুদিত রোম-রোম মোদ মাচহীং।
সাবঁরো কিসোর গোরী সোভাপর তুন তোরী
জোরী জিয়ো জুগ-জুগ জুবতী-জন জাচহীং ॥

৮

ভলে ভূপ কহত ভলেং ভদেস ভূপনি সোং
লোক লখি বোলিয়ে পুনীত রীতি মারিষী।
জগদম্বা জানকী জগতপিতু রামচন্দ্র,
জানি জিয়ঁ জোহো জো ন লাগৈ মঁহ কারখী ॥

দেখে হৈং অনেক ব্যাহ, সুনৈ হৈং পুরান বেদ
বৃঝে হৈং সুজান সাধু নর-নারি পারিখী।
ঐসে সম সমধী সমাজ ন বিরাজমান,
রামু-সে ন বর দুলহী ন সিয়-সারিখী ॥

বানী বিধি গোরী হর সেসহঁ গনেস কহী,
সহী ভরী লোমস ভুসুণ্ডি বহবারিষো।
চারিদস ভুবন নিহারি নর-নারি সব
নারদসোং পরদা ন নারদু সো পারিখো।
তিনহ কহী জগমেং জগমগতি জোরী এক
দুজো কো কহৈয়া ও সুনৈয়া চষ চারখো।
রমা রমারমন সুজান হনুমান কহী
সীয়-সী ন তীয় ন পুরুষ রাম-সারিখো ॥

৯

দুলহ শ্রীরঘুনাথু বনে দুলহী সিয় সুন্দর মন্দির মাহীং।
গাবতি গীত সবৈ মিলি সুন্দরি বেদ জুবা জুরি বিপ্র পঢ়াহীং ॥

রামকো রূপ নিহারতি জানকী কঙ্কনকে নগকী পরছাহীং।
যাতেং সবৈ সুধি ভুলি গঙ্গ কর টেকি রহী পল টারত নাহীং ॥

পরশুরাম-লক্ষ্মণ-সংবাদ

ভূপমণ্ডলী প্রচণ্ড চণ্ডীস-কোদণ্ড খণ্ডো,
চণ্ড বাহুদণ্ড জাকো তাহীসোং কহতু হৌং।
কঠিন কুঠার-ধার ধরিবেকো ধীর তাহি,
বীরতা বিদিত তাকো দেখিয়ে চহতু হৌং ॥

তুলসী সমাজু রাজ তজি সো বিরাজে আজু,
গাজ্যো মৃগরাজু গজরাজু জ্যোং গহতু হৌং।
ছোনীমেং ন ছাড়ো ছপ্যো ছোনিপকো ছোনা ছোটো,
ছোনিপ ছপন বাঁকো বুরুদ বহতু হৌং ॥

১০

নিপট নিদরি বোলে বচন কুঠারপানি,
মানী ত্রাস ঔনিপনি মানো মৌনতা গহী।
রোষ মাথে লখনু অকনি অনথোহী বাতৈং,
তুলসী বিনীত বানী বিহসি ঐসী কহী ॥

সুজস তিহারেং ভরে ভুঅন ভুণ্ডিলক,
প্রগট প্রতাপু আপু কহ্যো সো সবৈ সহী।
টুটো সো ন জুরৈগো সরাসনু মহেসজুকো,
রাবরী পিনাকমেং সরীকতা কহাঁ রহী ॥

গর্ভকে অর্ভক কাটনকোং পটু ধার কুঠার করাল হৈ জাকো।
সোঙ্গ হৌং বৃদ্ধত রাজসভা 'ধনু কো দল্যো' হৌং দলিহো বলু তাকো ॥

লঘু আনন উত্তর দেত বড়ে লরিহৈ মরিহৈ করিহৈ কছু সাকো।
গোরো গরুর গুমান ভর যো কহৌ কৌসিক ছোটো-সো ডোটো হৈ কাকো ॥

মথু রাথিবেকে কাজ রাজা মেরে সঙ্গ দএ,
দলে জাতুধান জে জিতৈয়া বিবুধেসকে।

১১

গৌতমকী তীয় তারী, মেটে অঘ ভূরি ভার,
লোচন-অতিথি ভএ জনক জনেসকে ॥

চণ্ড বাহুদণ্ড-বল চণ্ডীস-কোদণ্ড খণ্ডো

ব্যাহী জানকী, জীতে নরেস দেস-দেসকে।

সাঁবরে-গোরে সরীর ধীর মহাবীর দোউ,
নাম রামু লখনু কুমার কোসলেসকে ॥

কাল করাল নৃপালনহকে ধনুভঙ্গু সুনৈ ফরসা লিঞাঁ ধাএ।
লঙ্খনু রামু বিলোকি সপ্রেম মহারিসতেং ফিরি আঁথি দিখাএ ॥

ধীরসিরোমনি বীর বড়ে বিনয়ী বিজয়ী রঘুনাথু সুহাএ।

লায়ক হে ভুণায়কু, সে ধনু-সায়ক সৌম্পি সুভায়ঁ সিধাএ ॥

(ইতি বালকাণ্ড)

অযোধ্যাকাণ্ড

১২

বন-গমন

কীরকে কাগর জ্যোং নৃপচীর, বিভূষণ উদ্বম অঙ্গনি পাঈ।
ঔধ তজী মগবাসকে রুথ জ্যোং পন্থকে সাথ জ্যোং লোগ লোগাঈ ॥

সঙ্গ সুবন্ধু, পুনীত প্রিয়া, মনো ধর্মু ক্রিয়া ধরি দেহ সুহাঈ।
রাজিবলোচন রামু চলে তজি বাপকো রাজু বটাউ কীং নাঈং ॥

কাগর কীর জ্যোং ভূষন-চীর সরীর লস্যা তজি নীর জ্যোং কাঈ।
মাতু-পিতা প্রিয় লোগ সবৈ সনমানি সুভায়ঁ সনেহ সগাঈ ॥

সঙ্গ সুভামিনি, ভাই ভলো, দিন দ্বৈ জনু ঔধ হতে পহনাঈ।
রাজিবলোচন রামু চলে তজি বাপকো রাজু বটাউ কীং নাঈং ॥

১৩

সিখিল সনেহ কহৈং কোসিলা সুমিত্রাজু সোং,
মৈং ন লখী সৌতি, সখী ! ভগিনী জ্যোং সেঈ হৈ।
কহৈ মোহি মৈয়া, কহৌং-মৈং ন মৈয়া, ভরতকী,
বলৈয়া লেহৌং ভৈয়া, তেরী মৈয়া কৈকেঈ হৈ ॥

তুলসী সরল ভায়ঁ রঘুরায়ঁ মায় মানী,
কায়-মন-বানীহুঁ ন জানী কৈ মতেঈ হৈ।
বাম বিধি মেরো সুখু সিরিস-সুমন-সম,
তাকো ছল-ছুরী কোহ-কুলিস লৈ টেঈ হৈ ॥

কীজৈ কহা, জীজী জু! সুমিত্রা পরি পায়ঁ কহৈ,
তুলসী সহবৈ বিধি, সোঈ সহিয়তু হৈ
রাবরো সুভাউ রামজন্ম হী তেং জানিয়ত,
ভরতকী মাতু কো কি ঐসো চহিয়তু হৈ ॥

জাঈ রাজঘর, ব্যাহি আঈ রাজঘর মাই
রাজ-পুতু পাএহুঁ ন সুখু লহিয়তু হৈ।
দেহ সুধাগেহ, তাহি মৃগহুঁ মলীন কিয়ো,
তাহু পর বাহু বিনু রাহু গহিয়তু হৈ ॥

গুহকা পাদপ্রক্ষালন

নাম অজামিল-সে খল কোটি অপার নদীং ভব বৃঢ়ত কাড়ে।
জো সুমিরেং গিরি মেরু সিলাকন হোত, অজাখুর বারিধি বাড়ে॥

তুলসী জেহি কে পদ পঙ্কজ তেং প্রগটী তটিনী, জো হরৈ অঘ গাড়ে।
তে প্রভু যা সরিতা তরিবে কহঁ মাগত নাব করারে হৈ ঠাড়ে॥

এহি ঘাটতেং খোরিক দূরি অহৈ কটি লোং জলু থাহ দেখাইহোং জু।
পরসেং পগধুরি তরৈ তরনী, ঘরনী ঘর কোং সমুঝাইহোং জু॥

তুলসী অবলম্বু ন ওর কছু, লরিকা কেহি ভাঁতি জিআইহোং।
বরু মারিএ মোহি, বিনা পগ ধোঁওঁ হোং নাথ ন নাব চড়াইহোং জু॥

রাবরে দোষু ন পায়নকো, পগধুরিকো ভুরি প্রভাউ মহা হৈ।
পাহন তেং বন-বাহন কাঠকো কোমল হৈ, জলু থাই রহা হৈ।

১৫

পাবন পায় পথারি কৈ নাব চড়াইহোং, আয়সু হোত কথা হৈ।
তুলসী সুনি কেবটকে বর বৈন হঁসে প্রভু জানকী ওর হহা হৈ॥

পাত ভরী সহরী, সকল সুত বারে-বারে,
কেবটকী জাতি, কছু বেদ ন পড়াইহোং।
সবু পরিবারু মেরো যাহি লাগি, রাজা জু,
হোং দীন বিত্তহীন, কৈসেং দূসরী গড়াইহোং॥

গৌতমকী ঘরনী জ্যোং তরনী তরৈগী মেরী,
প্রভুসোং নিষাদু হৈ কৈ বাদু না বড়াইহোং।
তুলসীকে ঈস রাম, রাবরে সোং সাঁচী কহোং,
বিনা পগ ধোঁওঁ নাথ, নাব না চড়াইহোং॥

জিনহকো পুনীত বারি ধারৈং সরপৈ পুরারি,
ত্রিপথগামিনি জসু বেদ কহৈং গাইকৈ।
জিনহকো জোগীংন্দ্র মুনিবৃন্দ দেব দেহ দমি,
করত বিবিধ জোগ-জপ মনু লাইকৈ॥

১৬

তুলসী জিনহকী ধুরি পরসি অহল্যা তরী,
গৌতম সিধারে গৃহ গোনো সো লেবাইকৈ।
তেঈ পায় পাইকৈ চড়াই নাব ধোএ বিনু,

থুইহোং ন পঠাবনী কৈ হৈহোং ন হঁসাই কৈ॥

প্রভুরুখ পাই কৈ, বোলাই বালক ঘরনিহি,
বন্দি কৈ চরন চহুঁ দিসি বৈঠে ঘেরি-ঘেরি।
ছোটো-সো কঠোতা ভরি আনি পানী গঙ্গাজুকো,
ধোই পায় পীঅত পুনীত বারি ফেরি-ফেরি॥

তুলসী সরাহৈং তাকো ভাগু, সানুরাগ সুর
বরষৈং সুমন, জয়-জয় কহৈং টেরি টেরি।
বিবিধ সনেহ-সানী বানী অসয়ানী সুনি,
ইসৈ রাঘো জানকী-লখন তন হেরি-হেরি॥

বনকে মার্গমেং

পুরতেং নিকসী রঘুবীরবধু ধরি ধীর দএ মগমেং ডগ দ্বৈ।
ঝলকীং ভরি ভাল কনীং জলকী, পুট সুখি গএ মধুরাধর বৈ॥

১৭

ফিরি বৃষ্টি হৈ, চলনো অব কেতক, পর্নকুটী করিহো কিতে হৈ?
তিয়কী লখি আতুরতা পিয়কী অঁথিয়াঁ অতি চারু চলীং জল ছৈ॥

জলকো গএ লকখনু, হৈং লরিকা
পরিখো, পিয়া! ছাঁহ ঘরীক হৈ ঠাড়ে।

পোঙ্খি পসেউ বয়ারি করৌং,
অরু পায় পথারিহৌং ভূভুরি-ডাড়ে॥

তুলসী রঘুবীর প্রিয়াশ্রম জানি কৈ
বৈঠি বিলম্ব লৌং কন্টক কাড়ে।
জানকীং নাহকো নেহ লখ্যা,
পুলকো তনু বারি বিলোচন বাড়ে॥

ঠাড়ে হৈং নবদ্রুমডার গহেং,
ধনু কাঁধে ধরেং , কর সায়কু লৈ।
বিকটী ভুকুটী, বড়রী অঁথিয়াঁ,
অনমোল কপোলন কী ছবি হৈ॥

তুলসী অস মূরতি আনু হিএঁ,
জড! ডারু ধৌং প্রান নিছাবরি কৈ।

১৮

শ্রম সীকর সাঁবরি দেহ লসৈ,
মনো রাসি মহা তম তারকমৈ॥

জলজনয়ন ,জলজানন জটা হৈ সির,

জীবন-উমঙ্গ অঙ্গ উদিত উদার হৈং
সাঁবরে-গোরেকে বীচ ভামিনী সুদামিনী-সী,
মুনিপট ধারৈং, উর ফুলনিকে হার হৈং ॥

করনি সরাসন সিলীমুখ, নিষঙ্গ কটি,
অতি হী অনূপ কাহু ভূপকে কুমার হৈং।
তুলসী বিলোকি কৈ তিলোককে তিলক তীনি
রহে নরনারি জেগ্যং চিতেরে চিত্রসার হৈং ॥

আগেং সোহৈ সাঁবরো কুঁবরু গোরো পাছেং-পাছেং,
আছে মুনিবেশ ধরৈং, লাজত অনঙ্গ হৈং।
বান বিসিষাসন, বসন বনহী কে কটি
কসে হৈং বনাই, নীকে রাজত নিষঙ্গ হৈং ॥

১৯

সাথ নিসিনাথমুখী পাথনাথনন্দিনী-সী,
তুলসী বিলোকেং চিতু লাই লেত সঙ্গ হৈং।
আনন্দ উমঙ্গ মন, জীবন-উমঙ্গ তন,
রূপকী উমঙ্গ উমগত অঙ্গ -অঙ্গ হৈ ॥

সুন্দর বদন, সরসীরুহ সুহাএ নৈন,
মঞ্জুল প্রসূন মাথেং মুকুট জটনি কে।
অংসনি সরাসন, লসত সুচি সর কর,
তুন কটি মুনিপট লুটক পটনি কে ॥

নারি সুকুমারি সঙ্গ, জাকে অঙ্গ উবটি কৈ,
বিধি বিরচৈং বরুথ বিদ্যুতছটনি কে।
গোরেকো বরনু দেখেং সোনো ন সলোনো লাগে,
সাঁবরে বিলোকেং গর্ব ঘটত ঘটনি কে ॥
বলকল-বসন, ধনু-বান পানি, তুন কটি,
রূপকে নিধান ঘন-দামিনী-বরন হৈং।
তুলসী সুতীয় সঙ্গ, সহজ সুহাএ অঙ্গ,
নবল কঁবলহু তেং কোমল চরন হৈং ॥

২০

ওঁরৈ সো বসন্ত, ওঁর রতি, ওঁরৈ রতিপতি,
মূরতি বিলোকেং তন-মনকে হরন হৈং।
তাপস বৈষে বনাই পথিক পথেং সুহাই,
চলে লোকলোচননি সুফল করন হৈং ॥

বনিতা বনী স্যামল গোরকে বীচ,
বিলোকহু, রী সখি! মোহি-সী হৈ।
মগজোগু ন কোমল, কোয়ং চলিহৈ,
সকুচাতি মহী পদপঙ্কজ ছৈ ॥

তুলসী সুনি গ্রামবধু বিথকীং,
পুলকীং তন, ও চলে লোচন ছে।
সব ভাঁতি মনোহর মোহনরূপ
অনূপ হৈং ভূপকে বালক দ্বৈ॥

সাঁবরে-গোরে সলোনে সুভায়ঁ, মনোহরতাঁ জিতি মৈনু লিয়ো হৈ।
বান-কমান, নিষঙ্গ কসেং, সির সোহৈং জটা, মুনিবেশ কিয়ো হৈ॥

২১

সঙ্গ লিঞঁ বিধুবৈনী বধু, রতিকো জেহি রঞ্চক রূপু দিয়ো হৈ।
পায়ন তো পনহীং ন, পয়াদেংহি কোং চলিহৈং, সকুচাত হিয়ো হৈ॥

রানী মৈং জানী অযানী মহা, পবি-পাহনহু তেং কঠোর হিয়ো হৈ।
রাজহঁ কাজু অকাজু ন জান্যো, কহ্যো তিয়কো জেহিং কান কিয়ো হৈ॥

ঐসী মনোহর মুরতি এ, বিছুরেং কৈসে প্রীতম লোণ্ড জিয়ো হৈ।
আঁখিনমেং সখি! রাথিবে জোণ্ড, ইনৈহং কিমি কৈ বনবাসু দিয়ো হৈ॥

সীস জটা, উর- বাহু বিসাল, বিলোচন লাল, তিরীছী সী ভৌহৈং।
তুন সরাসন-বান ধরেং তুলসী বন-মারগমেং সুঠি সোহৈং॥

সাদর বারহিং বার সুভায়ঁ চিতৈ তুশ্হ ত্যোং হমরো, মনু মোহৈং।
পুঁছত গ্রামবধু সিয় সোং, কহৌ, সাঁবরে-সে সখি! রাবরে কো হৈং॥

সুনি সুন্দর বৈন সুধারস-সানে সয়ানী হৈং জানকীং জানী ভলী।
তিরছে করি নৈন, দৈ সৈন তিনৈহং সমুঝাই কছু মুসুকাই চলী॥

২২

তুলসী তেহি ওসর সোহৈং সবে অবলোকতি লোচনলাহু অলীং।
অনুরাগ-তড়াগমেং ভানু উদৈং বিগসী মনো মঞ্জুল কঙ্কলীং

ধরি ধীর কহৈং, চলু, দেখিঅ জাই, জহাঁ সজনী! রজনী রহিহৈং।
কহিহৈ জগু পোচ, ন সোচু কছু, ফলু লোচন আপন তো লহিহৈং

সুখু পাইহৈং কান সূনেং বতিয়াঁ কল, আপুসমেং কছু পৈ কহিহৈং।
তুলসী অতি প্রেম লগীং পলকৈং, পুলকীং লখী রামু হিএ মহি হৈং॥

পদ কোমল, স্যামল-গৌর কলেবর রাজত কোটি মনোজ লজাঞঁ।
কর বান-সরাসন, সীস জটা, সরসীরুহ-লোচন সোন সুহাঞঁ॥

জিনহ দেখে সখী! সতিভায়হু তেং তুলসী তিনহ তো মন ফেরি ন পাএ।
এহিং মারগ আজু কিসোর বধু বিধুবৈনী সমেত সুভায়ঁ সিধাএ॥

২৩

মুখপঙ্কজ, কঙ্কবিলোচন মঞ্জু, মনিজ-সরাসন-সী বনী ভৌহেং।
কমনীয় কলেবর কোমল স্যামল-গৌর কিসোর, জটা সির সোহেং ॥

তুলসী কটি তুন, ধরেং ধনু বান, অচানক দিষ্টি পরী তিরছৌহেং।
কেহি ভাঁতি কহৌং সজনী! তোহি সোং মৃদু মূরতি দ্বৈ নিবসীং মন মোহেং ॥

বনমেং

প্রেম সোং পীছেং তিরীছেং প্রয়াহি চিতৈ চিতু দৈ চলে লৈ চিতু চোরৈং।
স্যাম সরীর পসেউ লসৈ হলসৈ 'তুলসী' ছবি সো মন মোরৈং ॥

লোচন লোল, বলৈ ভুকুটী কল কাম কমানহ সো তুনু তোরৈ।
রাজত রামু কুরঙ্গকে সঙ্গ নিষঙ্গু কসে ধনুসোং সরু জোরৈং ॥

সর চারিক চারু বনাই কসেং কটি, পানি সরাসনু সায়কু লৈ।
বন খেলত রামু ফিরেং মৃগয়া, 'তুলসী' ছবি সো বরনৈ কিমি কৈ ॥

অবলোকি অলৌকিক রূপু মৃগীং মৃগ চৌঙ্কি চকৈং, চতবৈং চিতু দৈ।
ন ডগৈং, ন ভগৈং জিয়ঁ জানি সিলীমুখ পঞ্চ ধরৈং রতি নায়কু হৈ ॥

২৪

বিক্রিকে বাসী উদাসী তপী ব্রতধারী মহা বিনু নারি দুখারে।
গৌতমতীয় তরী 'তুলসী' সো কথা সুনি ভে মুনিবন্দ সুখারে ॥

হুইহেং সিলা সব চন্দমুখীং পরসেং পদ মঞ্জুল কঙ্ক তিহারে।
কীনহী ভলী রঘুনাথকজু! করুনা করি কাননকো পগু ধারে ॥

(ইতি অয়োধ্যাকাণ্ড)

অরণ্যাকাণ্ড

মারীচানুধাবন

পঞ্চবটীং বর পর্নকুটী তর বৈঠে হৈং রামু সুভায়ঁ সুহাএ।
সোহে প্রিয়া, প্রিয় বঙ্কু লসৈ, 'তুলসী' সব অঙ্গ ঘনে ছবি ছাএ ॥

দেখি মৃগা মৃগনৈনী কহে প্রিয় বৈন ,তে প্রীতমকে মন ভাএ।
হেমকুরঙ্গকে সঙ্গ সরাসনু সায়কু লৈ রঘুনাথকু ধাএ ॥

(ইতি অরণ্যাকাণ্ড)

॥

২৫

কিঙ্কিন্ধাকাণ্ড

সমুদ্রোল্লঙ্ঘন

জব অঙ্গদাদিনকী মতি-গতি মন্দ ভগ্নে,
পবনকে পূতকো ন কুদিবেকো পলু গো।
সাহসী হৈ সৈলপর সহসা সকেলি আই,

চিতবত চহুঁ ওর, ঔরনি কো কলু গো॥

'তুলসী' রসাতলকো নিকসি সলিলু আয়ো,
কোলু কলমল্যো, অহি-কমঠকো বলু গো।
চারিহু চরনকে চপেট চাপেঁ চিপিটি গো,
উচকেং উচকি চারি অঙ্গুল অচলু গো॥

(ইতি কিষ্কিন্ধাকাণ্ড)

২৬

সুন্দরকাণ্ড

অশোকবন

বাসব-বরুণ বিধি-বনতেং সুহাবনো,
দসাননকো কাননু বসন্তকো সিঙ্গারু সো।
সময় পুরানে পাত পরত, ডরত বাতু,
পালত লালত রতি-মারকো বিহারু সো॥

দেখেং বর বাপিকা তড়াগ বাগকো বনাউ,
রাগবস ভো বিরাগী পবনকুমারু সো।
সীয়কী দসা বিলোখি বিটপ অসোক তর,
'তুলসী' বিলোক্যো সো তিলোক-সোক-সারু সো॥

মালী মেঘমাল, বনপাল বিকরাল ভট,
নীকেং সব কাল সীকৈং সুধাসার নীরকে।
মেঘনাদ তেং দুলারো, প্রান তেং পিয়ারো বাণ্ড,
অতি অনুরাণ্ড জিয়ঁ জাতুধান ধীর কেং॥

'তুলসী' সো জানি-সুনি, সীয়কো দরসু পাই,
পৈঠো বাটিকাঁ বজাই বল রঘুবীর কেং।
বিদ্যমান দেখত দসাননকো কাননু সো
তহস-নহস কিয়ো সাহসী সমীর কেং॥

২৭

লঙ্কাদহন

বসন বটোরি বোরি-বোরি তেল তমীচর,
খোরি-খোরি ধাই আই বাঁধত লঁগুর হৈং।
তৈসো কপি কৌতুকী দেরাত টীলে গাত কৈ-কৈ,
লাতকে অঘাত সহৈ, জীমেং কহৈ, কুর হৈং॥

বাল কিলকারী কৈ-কৈ, তারী দৈ-দৈ গারী দেত,
পাছেং লাগে, বাজত নিসান ঢোল তুর হৈং।
বালধী বঢ়ন লাগী, ঠৌর- ঠৌর দীনহী আগী,
বিক্কিকী দবারি কৈধোং কোটিসত সূর হৈং ॥

লাই- লাই আগি ভাগে বালজাল জহাঁ তহাঁ,
লঘু হৈ নিবুক গিরি মেরুতেং বিসাল ভো।
কৌতুকী কপীসু কুদি কনক-কঁগুরাঁ চঢ়ো,
রাবন-ভবন চটি ঠাঢ়ো তেহি কাল ভো ॥

'তুলসী' বিরাজ্যে ব্যোম বালধী পসারি ভারী,
দেথেং হহরাত ভট, কালু সো করাল ভো।

২৮

তেজকো নিধানু মানো কোটিক কুসানু-ভানু,
নথ বিকরাল, মুখু তেসো রিস লাল ভো ॥

২৮

বালধী বিসাল বিকরাল, জ্বালজাল মানো
লঙ্ক লীলিবেকো কাল রসনা পসারী হৈ।
কৈধোং ব্যোমবীথিকা ভরে হৈং ভূরি ধূমকেতু,
বীররস বীর তরবারি সো উঘারী হৈ ॥
'তুলসী' সুরেস-চাপু, কৈধোং দামিনি-কলাপু,
কৈধোং চলী মেরু তেং কুসানু-সরি ভারী হৈ।
দেথেং জাতুধান-জাতুধানীং অকুলানী কহৈং,
কাননু উজার যো, অব নগরু প্রজারিহৈ ॥
জহাঁ-তহাঁ বুবুক বিলোকি বুবুকারী দেত,
জরত নিকেত, ধাবৌ, ধাবৌ লাগী আগি রে।
কহাঁ তাতু-মাতু, ভ্রাত-ভগিনী, ভামিনী-ভাভী,
চোঠা ছোটে ছোহরা অভাগে ভোণে ভাগি রে ॥

২৯

হাথী ছোরৌ, ঘোরা ছোরৌ, মহিষ-বৃষভ ছোরৌ,
ছেরী ছোরৌ, সো বৈসো জগাবৈ, জাগি, জাগি রে।
'তুলসী' বিলোকি অকুলানী জাতুধানীং কহৈং,
বার-বার কহোং, পিয়! কপিসোং ন লাগি রে ॥

দেখি জ্বালাজালু, হাহাকারু দসকঙ্ক সুনি,

কহ্যো, ধরো, ধরো, ধাএ বীর বলবান হৈং।
লিঞ সুল-সেল, পাস-পরিষ, প্রচণ্ড দণ্ড,
ভাজন সনীর, ধীর ধরেং ধনু-বান হৈং ॥

'তুলসী' সমিধ সৌজ, লঙ্ক জগ্যকুণ্ড লখি,

জাতুধানপুস্পীফল জব তিল ধান হৈং।

ম্রবা সো লঁগূল, বলমূল প্রতিকূল হবি,
স্বাহা মহা হাঁকি হাঁকি হনৈং হনুমান হৈং॥

গাজ্যো কপি গাজ জ্যোং, বিরাজ্যো জ্বালজালজুত,
ভাজে বীর ধীর, অকুলাই উঠ্যো রাবনো।
ধাবৌ, ধাবৌ, ধরৌ, সুনি ধাএ জাতুধান ধারি,
বারিধারা উলদৈ জলদু জৌন সাবনো॥

৩০

লপট- ঝপট ঝহরানে, হহরানে বাত,
ভহরানে ভট, পর যো প্রবল পরাবনো।
ঢকনি ঢকেলি, পেলি সচিব চলে লৈ ঠেলি,
নাথ! ন চলৈগো বলু অনলু ভয়াবনো॥

বড়ো বিকরাল বেসু দেখি, সুনি সিঙ্ঘনাদু
উঠ্যো মেঘনাদু, সবিশাদ কহৈ রাবনো।
বেগ জিত্যো মারুতু, প্রতাপ মারতও কোটি,
কালউ করালতাঁ, বড়াঈং জিত্যো বাবনো॥
'তুলসী' সযানে জাতুধান পছিতানে কহৈং,
জাকো ঐসো দূতু, সো তো সাহেবু অবৈ আবনো।
কাহেকো কুসল রোষেং রাম বামদেবহু কী,
বিষম বলীসোং বাদি বৈরকো বঢ়াবনো॥

পানী! পানী! পানী! সব রানি অকুলানী কহৈং,
জাতি হৈং পরানী, গতি জানী গজচালি হৈ।

৩১

বসন বিসারৈং, মনিভূষন সঁভারত ন,
আনন সুখানে, কহৈং, ক্যোংহু কোউ পালিহৈ॥

'তুলসী' মঁদোবৈ মীজি হাথ, ধুনি মাথ কহৈ,
কাহুঁ কান কিয়ো ন, মৈং কহ্যো কেতো কালি হৈ।
বাপুরেং বিভীষন পুকারি বার-বার কহ্যো,
বানরু বড়ী বলাই ঘনে ঘর ঘালিহৈ॥

কাননু উজার যো তো উজার যো, ন বিগার যো কছু,
বানরু বেচারো বাঁধি আন্যো হঠি হারসোং।
নিপট নিডর দেখি কাহুঁ ন লখ্যো বিসেসি,
দীলহা না ছড়াই কহি কুলকে কুঠারসোং॥

ছোটো ঔ বড়েরে মেরে পূতউ অনেরে সব,
সাঁপনি সোং খেলৈং, মেলৈং গরে ছুরাধার সোং।
'তুলসী' মঁদোবৈ রোই-রোই কৈ বিগোবে আপু,

বার-বার কহ্যো মৈং পুকারি দাটীজারসোং ॥

৩২

রানীং অকুলানী সব ডাঢ়ত পরানী জাহিং,

সকৈং ন বিলোকি বেসু কেসরীকুমারকো।
মীজি-মীজি হাথ, ধুনৈ মাথ দসমাথ-তিয়,
‘তুলসী’ তিলৌ ন ভয়ো বাহের অগারকো ॥

সবু অসবাবু ডাঢ়ো, মৈং ন কাঢ়ো, তৈং ন কাঢ়ো,
জিয়কী পরী, সঁভারৈ সহন-ভঁডার কো।
খীঝতি মঁদোবৈ সবিশাদ দেখি মেঘনাদু
বয়ো লুনিয়ত সব যাহী দাটীজারকো ॥

রাবন কী রানীং বিলখানী কহৈ জাতুধানীং,
হাহা! কোউ কহে বীসবাহ দসমাথসোং।
কাহে মেঘনাদ! কাহে, কাহে রে মহোদর! তুঁ
ধীরজু ন দেত, লাই লেত ক্যোং ন হাথসোং ॥

কাহে অতিকায়! কাহে, কাহে রে অকম্পন!
অভাগে তীয় ত্যাগে ভোংড়ে ভাগে জাত সাথ সোং।
‘তুলসী’ বঢ়াঙ্গি বাদি সালতেং বিসাল বাহৈং,
যাহীং বল বালিসো বিরোধু রঘুনাথসোং ॥

৩৩

হাট-বাট, কোট-কোট, অটনি, অগার, পোরি,
খোরি-খোরি দোরি-দোরি দীনহী অতি আগি হৈ।
আরত পুকারত, সঁভারত ন কোউ কাহু,
ব্যাকুল জহাঁ সো তহাঁ লোক চলে ভাগি হৈং
বালধী ফিরাবৈ, বার-বার ঝহরাবৈ, ঝরৈং
বুঁদিয়া-সী লঙ্ক পঘিলাই পাগ পাগিহৈ।
‘তুলসী’ বিলোকি অকুলানী জাতুধানীং কহৈং,
চিত্রহু কে কপি সোং নিসাচরু ন লাগিহৈ ॥

লগী, লাগী আগি, ভাগি-ভাগি চলে জহাঁ-জহাঁ,
ধীয়কো ন মায়, বাপ পুত ন সঁভারহীং।
ছুটে বার, বসন উঘারে, ধূম-ধুন্ধ অন্ধ,
কহৈং বারে-বুড়ে ‘বারি’, ‘বারি’ বার বারহীং ॥

হয় হিহিনাত, ভাগে জাত ঘহরাত গজ,
ভারী ভীর ঠেলি-পেলি রৌন্দি-খৌন্দি ডারহীং।
নাম, লৈ চিলাত, বিললাত, অকুলাত অতি,
‘তাত তাত! তৌংসিঅত, ঝৌংসিঅত, ঝারহীং ॥

৩৪

লপট করাল জ্বালজালমাল দহুঁ দিসি,
ধূম অকুলানে, পহিচানৈ কৌন কাহি রে।
পানীকো ললাত বিললাত, জরে গাত জাত
পরে পাইমাল জাত 'ব্রাত! তুঁ নিবাহি রে॥

প্রিয়া তুঁ পরাহি, নাথ! নাথ!তুঁ পরাহি, বাপ !

বাপ তুঁ পরাহি, পূত! পূত! তুঁ পরাহি রে' ॥

'তুলসী' বিলোকী লোগ ব্যাকুল বেহাল কহৈং,
লেহি দসসীস অব বীস চখ চাহি রে॥

বীথিকা-বজার প্রতি,অটনি অগার প্রতি,
পবরি-পগার প্রতি বানরু বিলোকিএ।
অধ-উর্ধ বানর, বিদসি-দিসি বানরু হৈ,
মানো রহ্যো হৈ ভরি বানরু তিলোকিএ॥

মুঁদৈং আঁখি হিয়মেং,উঘারেং আঁখি আগেং ঠাড়ে,
ধাই জাই জহাঁ-তহাঁ, ঔর কোউ কোকিএ।
লেখ, অব লেহ তব কোউ ন সিখাবো মানো,
সোঙ্গি সতরাই জাই জাহি-জাহি রোকিএ॥

৩৫

এক করৈং ধোঞ্জ, এক কহৈং,কাটো সোঞ্জ, এক
ঔঞ্জি, পানী পীকৈ কহৈং, বনত ন আবননো।
এক পরে গাড়ে এক ডাঢ়ত হীং কাড়ে, এক
দেখত হৈং ঠাড়ে, কহৈং, পাবকু ভয়াবনো॥

'তুলসী' কহত এক 'নীকেং হাথ লাএ কপি,
অজহুঁ ন ছাড়ৈ বালু গালকো বজাবনো'।
'ধাও রে,বুঝাও রে', কি বাবরে হৌ রাবরে,যা
ঔরৈ আগি লাগী ন বুঝাবৈ সিন্ধু সাবনো' ॥

কোহপি দসকন্ধ তব প্রলয় পয়োদ বোলে,
রাবন-রজাই ধাএ আই জুথ জোরি কৈ।
কহ্যো লঙ্কপতি লঙ্ক বরত, বুতাও বেগি,
বানরু বহাই মারৌ মহাবীর বোরি কৈ॥

'ভলেং নাথ!' নাই মাথ চলে পাথপ্রদনাথ,
বরষৈং মুসলধার বার-বার ঘোরি কৈ।
জীবনতেং জাগী আগী, চপরি চৌগুনী লাগী
'তুলসী' ভভরি মেঘ ভাগে মুখু মোরি কৈ

৩৬

ইহাঁ জ্বাল জরে জাত, উহাঁ গ্লানি গরে গাত,
সুখে সকুচাত সব কহত পুকার হৈ॥

'জুগ ষট ভানু দেখে প্রলয়ক্সানু দেখে,
সেখ-মুখ-অনল বিলোকে বার-বার হৈং ॥

'তুলসী' সুন্যো ন কান সলিলু সপী-সমান,
অতি অচিরিজু কিয়ো কেসরীকুমার হৈ।
বারিদ বচন সুনি ধুনে সীস সচিবনহ,
কহৈং দসসীস! 'ঈস-বামতা-বিকার হৈং'
'পাবকু, পবনু, পানী, ভানু, হিমবানু, জমু,
কালু, লোকপাল মেরে ডর ডাবাঁডোল হৈং।
সাহেবু মহেসু সদা সঙ্কিত রমেসু মোহিং
মহাতপ সাহস বিরঞ্ছি লীলেহং মোল হৈং ॥

'তুলসী' তিলোক আজু দুজো ন বিরাজে রাজু,
বাজে-বাজে রাজনিকে বেটা-বেটী ওল হৈং।
কো হৈ ঈস নামকো, জো বাম হোত মোহুসে কো,
মালবান! রাবরেকে বাবরে-সে বোল হৈং' ॥

৩৭

ভূমি ভূমিপাল, ব্যালপালক পতাল, নাক-
পাল, লোকপাল জেতে, সুভট-সমাজু হৈ।
কহৈ মালবান, জাতুধানপতি! রাবরে কো
মনহুঁ অকাজু আনৈ, ঐসো কৌন আজু হৈ ॥

রামকোহ পাবকু, সমীরু সিয়-স্বাসু, কীসু,
ঈস-বামতা বিলোকু, বানরকো ব্যাজু হৈ।
জারত পচারি ফেরি-ফেরি সো নিসঙ্ক লঙ্ক,
জহাঁ বাঁকো বীরু তোসো সুর-সিরতাজু হৈ ॥

পান-পকবান বিধি নানা কে, সঁধানো, সীধো,
বিবিধ বিধান ধান বরত বথারহীং।
কনককিরীট কোটি পলংগ, পেটারে, পীঠ
কাড়ত কহার সব জরে ভরে ভারহীং ॥

প্রবল অনল বাড়ে জহাঁ কাড়ে তহাঁ ডাড়ে,
ঝপট-লপট বরে ভবন-ভঁড়ারহীং।

৩৮

'তুলসি' অগারু ন পগারু ন বজারু বচ্যো,
হাথী হখসার জরে ঘোরে ঘোরসারহীং ॥

হাট-বাট হাটকু পিঘলি চলো ঘী-সো ঘনো,
কনক-করাহী লঙ্ক তলফতি তায়সোং ॥

নানাপকবান জাতুধান বলবান সব

পাগি পাগি ঢেরী কীলহী ভলীভাঁতি ভায়সোং ॥

পাহনে ক্‌সানু পবমানসোং পরোসো, হনুমান
সনমানি কৈ জেংবাএ চিত-চায়সোং।
'তুলসী' নিহারি অরিনারি দৈ-দৈ গারি কহৈং
বাবরেং সুরারি বৈরু কীলহী রামরায়সোং ॥

রাবন সো রাজরোগু বাঢ়ত বিরোট-উর,
দিনু-দিনু বিকল, সকল সুখ রাঁক সো।
নানা উপচার করি হারে সুর, সিদ্ধ, মুনি,
হোত ন বিসোক, ওত পাবে ন মনাক সো ॥

রামকী রজাইতেং রসাইনী সমীরসুনু
উতরি পয়োধি পার সোধি সরবাক সো।

৩৯

জাতুধান-বুট পুটপাক লঙ্ক-জাতরুপ-
রতন জতন জারি কিয়ো হৈ মৃগাঙ্ক-সো ॥

সীতাজীসে বিদাগৈ

জারি-বারি, কৈ বিধুম্, বারিধি বুতাই লুম,
নাই মাথো পগনি, ভো ঠাটো কর জোরি কৈ।
মাতু! কৃপা কীজে, সহিদানি দীজে, সুনি সীয়
দীলহী হৈ অসীস চারু চুডামনি ছোরি কৈ ॥

কহা কহোং তাত! দেখে জাত জ্যোং বিহাত দিন,
বড়ী অবলম্ব হী, সো চলে তুস্‌হ তোরি কৈ।
'তুলসী' সনীর নৈন, নেহসো সিখিল বৈন,
বিকল বিলোকি কপি কহত নিহোরি কৈ ॥

'দিবস ছ-সাত জাত জানিবে ন, মাতু! ধরু
ধীর, অরি-অন্তকী অবধি রহি থোরিকৈ।

৪০

বারিধি বঁধাই সেতু ঐহৈং ভানুকুলকেতু
সানুজ কুসল কপিকটকু বটোরি কৈ ॥

বচন বিনীত কহি, সীতাকো প্রবোধু করি,
'তুলসী' ত্রিকুট চটি কহত ডফোরি কৈ।
জৈ জৈ জানকীস দসসীস-করি-কেসরী'
কপীসু কূদ্যো বাত-ঘাত উদধি হলোরি কৈ ॥
সাহসী সমীরসুনু নীরনিধি লঙ্ঘি লখি
লঙ্ক সিদ্ধপীঠু নিসি জাগো হৈ মসানু সো।
'তুলসী' বিলোকি মহাসাহসু প্রসন্ন ভগ্ন

দেবী সীয়া-সারিখী, দিয়ো হৈ বরদানু সো॥

বাটিকা উজারি, অছধারি মারি, জারি গড়ু
ভানুকুলভানুকো প্রতাপভানু-ভানু-সো।
করত বিসোক লোক-কোকনদ, কোক কপি,
কহৈ জামবন্ত, আয়ো, আয়ো হনুমান সো॥

৪১

গগন নিহারি, কিলকারী ভারী সুনি,
হনুমান পহিচানি ভএ সান্দ সচেত হৈং
বুড়ত জহাজ বচ্যো পথিকসমাজু, মানো
আজু জাএ জানি সব অঙ্কমাল দেত হৈং॥

জৈ জৈ জানকীস, জৈ জৈ লখন-কপীস' কহি,
কুদৈং কপি কৌতুকী নটত রেত-রেত হৈং।
অঙ্গদু ময়ন্দু নলু নীল বলসীল মহা
বালধী ফিরাবৈং, মুখ নানা গতি লেত হৈং॥

আয়ো হনুমানু, প্রানহেতু অঙ্কমাল দেত,
লেত পগধুরি এক, চুমত লংগূল হৈং।
এক বৃঝেং বার-বার সীয়া-সমাচার, কহৈং
পবনকুমারু, ভো বিগতশ্রম-সূল হৈং॥

এক ভূথে জানি, আগেং আনৈং কন্দ-মূল-ফল,
এক পূজৈং বাহু বলমূল তোরি ফুল হৈং।
এক কহৈং 'তুলসী' সকল সিধি তাকেং, জাকেং
কৃপা-পাথনাত সীতানাথু সানুকূল হৈং॥

৪২

সীয়কো সনেহ, সীলু, কথা তথা লঙ্কাকী
কহত চলে চায়সোং, সিরানো পথু ছনমেং।
কহ্যো জুবরাজ বোলি বানরসমাজু, আজু
খাল ফল, সুনি পেলি পৈঠে মধুবনমেং।
মারে বাগবান, তে পুকারত দেবান গে,
'উজারে বাগ অঙ্গদ' দেখাএ ঘায় তনমেং।
কহৈ কপিরাজু করি কাজু আএ কীস, তুল-
সীসকী সপথ কহামোদু মেরে মনমেং॥

ভগবান্ রামকী উদারতা
নগরু কুবেরকো সুমেরু কী বরাবরী,
বিরঞ্চি-বুধিকো বিলাসু লঙ্ক নিরমান ভো।
ঈসহি চটাই সীস বীসবাহু বীর তহাঁ,
রাবনু সো রাজা রজ-তেজকো নিধানু ভো॥

'তুলসী' তিলোককী সমৃদ্ধি, সৌজ, সম্পদা
সকেলি চাকি রাখী, রাসি, জাঁগরু জহানু ভো।

তীসরেং উপাস বনবাস সিন্ধু পাস সো
সমাজু মহারাজজু কো এক দিন দানু ভো

(ইতি সুন্দরকাণ্ড)

লঙ্কাকাণ্ড

রাক্ষসোক্ষী চিন্তা

বড়ে বিকরাল ভালু-বানর বিসাল বড়ে,

'তুলসী' বড়ে পহার লৈ পয়োধি তোপিহেং।
প্রবল প্রচণ্ড বরিবণ্ড বাহুদণ্ড থণ্ডি
মণ্ডি মেদিনীকো মণ্ডলীক-লীক লোপিহেং ॥

লঙ্কদাহ দেখেং ন উছাহ রহ্যো কাহন কো,
কহেং সব সচিব পুকারি পাঁব রোপিহেং।
বাঁচিহে ন পাছেং তিপুৱারিহু মূৱারিহু কে,
কো হৈ রন ৱারিকো জোং কোসলেস কোপিহেং ॥

৪৪

ত্রিজটাকা আশ্বাসন

ত্রিজটা কহতি বার-বার তুলসীস্বরীসোং,
'রাঘৌ বান একহীং সমুদ্র সাতৌ সোষিহেং।
সকুল সঁঘারি জাতুধান-ধারি জম্বুকাদি,
জোগিনী-জমাতি কালিকাকলাপ তোষিহেং ॥

রাজু দে নেবাজিহেং বজাই কৈ বিভীষনৈ,
বজৈঙ্গে ব্যোম বাজনে বিবুধ প্রেম পোষিহেং ॥

কৌন দসকঙ্কু, কৌন মেঘনাদু বাপুৱো,
কো কুম্ভকৰ্ণু কীটু, জব ৱামু ৱন ৱোষিহেং ॥

বিনয়-সনেহ সোং কহতি সীয় ত্রিজটাসোং,
পাএ কছু সমাচার আরজসুবনকে।
পাএ জু, বাঁধায়ো সেতু উতরে ভানুকুলকেতু,
আএ দেখি-দেখি দূত দারুন দুবনকে ॥

বদন মলীন, বলহীন, দীন দেখি, মানো
মিটে ঘটে তমীচর-তিমির ভুবনকে।
লোকপতি-কোক-সোক মূঁদে কপি-কোকনদ,
দণ্ড দ্বৈ রহে হৈং ৱঘু-আদিতি-উবনকে ॥

৪৫

সুভুজু মারীচু খরু ত্রিসরু দূষনু বালি,
দলত জেহিং দূসরো সরু ন সাঁধ্যো।
আনি পরবাম বিধি বাম তেহি রামসোং,
সকত সঙগ্রামু দসকঙ্কু কাঁধ্যো॥

সমুঝি তুলসীস-কপি-কর্ম ঘর- ঘর ঘৈরু,
বিকল সুনি সকল পাথোধি বাঁধ্যো।
বসত গঢ় বঙ্ক, লঙ্কেনায়ক অছত,
লঙ্ক নহিং খাত কোউ ভাত রাঁধ্যো॥

'বিশ্বজয়ী' ভুণ্ডনায়ক-সে বিনু হাথ ভএ হনি হাথ হজারী।
বাতুল মাতুলকী ন সুনী সিখ কা 'তুলসী' কপি লঙ্ক ন জারী॥

অজহুঁ তো ভলো রঘুনাথ মিলেং, ফিরি বুম্‌হৈ, কো গজ,কোন গজারী।
কীর্তি বড়ো, করতুতি বড়ো, জন-বাত বড়ো, সো বড়োঞ বজারী॥

জব পাহন ভে বনবাহন-সে উতরে বনরা, 'জয় রাম' রটেং।
'তুলসী' লিঞ সৈল-সিলা সব সোহত, ডসাগরু জ্যোং বল বারি বটে।
করি কোপু করৈং রঘুবীরকো আয়সু,কৌতুক হীং গঢ় কুদি চটে।
চতুরঙ্গ চমু পলমেং দলি কে রন রাবন-রাড়-সুহাড গটে ॥

বিপুল বিসাল বিকরাল কপি-ভালু মানো
কালু বহ বেষ ধরেং, ধাএ কিঞ করষা ।
লিএ সিলা-সৈল,সাল,তাল ঔ তমাল তোরি
তোপৈং তোয়নিধি, সুরকো সমাজু হরষা॥

ডগে দিগকুঞ্জর কমঠু কোলু কলমলে,
ডোলে ধরাধর ধারি, ধরাধরু ধরষা।
'তুলসী'তমকি চলেং, রাঘৌকী সপথ করৈং,

কো করৈ অটক কপিকটক অমরষা॥

আএ সুকু, সারনু বোলাএ তে কহন লাগে,

পুলক সরীর সেনা করত ফহম হীং।
'মহাবলী' বানর বিসাল ভালু কাল-সে
করাল হৈং, রহৈং কহাঁ, সমাহিঙ্গে কহাঁ মহী' ॥

হঁস্যো দসকঙ্কু রঘুনাথকো প্রতাপ সুনি,
'তুলসী' দুরাবে মুখু সূখত সহম হীং।
রামকে বিরোধেং বুরো বিধি-হরি-হরহু কো,

সবকো ভলো হৈ রাজা রামকে রহম হীং ॥

অঙ্গদজীকা দূতস্ব

'আয়ো! আয়ো! আয়ো সোঙ্গ বানর বহোরি!'ভয়ো
সোরু চহঁ ওর লক্ষাঁ আঁ জুবরাজকেং।
এক কাটেং সোঙ্গ, এক ধোঁজ কইং, 'কহা হৈহৈ,
পোচ ভগ্ন, 'মহাসোচু সুভটসমাজকেং ॥

গাজ্যো কপিরাজু রঘুরাজকী সপথ করি,
মুঁদে কান জাতুধান মানো গাজেং গাজকেং।

৪৮

সহমি সুখাত বাতজাতকী সুরতি করি,
লবা জ্যোং লুকাত, তুলসী ঝপেটেং বাজকেং ॥

তুলসীস বল রঘুবীরজু কেং বালিসুতু
বাহি ন গনত, বাত কহত করেবী-সী।
বকসীস ঈসজু কী খীস হোত দেখিতত,
রিস কাহেং লাগতি, কহত হোং মৈং তরী-সী ॥

চটি গড়-মড় দড়,কোটকেং কঁগুরেং, কোপি
নেকু ধকা দেহেং,ঢ়েহেং ঢেলনকী ঢেরী-সী।
সুনু দসমাথ !নাথ-ণাতকে হমারে কপি
হাথ লক্ষা লাইহেং তো রহেগী হথেরী-সী ॥

'দূশনু, বিরোধু থরু, ত্রিসরা, কবন্ধু বধে
তালউ বিসাল বেধে, কৌতুক হৈ কালিকো।
একহি বিসিষ বস ভয়ো বীর বাঁকুরো সো,
তোহু হৈ বিদিত বলু মহাবলী বালিকো ॥

৪৯

'তুলসী' কহত হিত মানতো ন নেকু সঙ্ক,
মেরো কহা জৈহৈ, ফলু পৈহৈ তু কুচালিকো।
বীর-করি-কেসরী কুঠারপানি মানী হারি,
তেরী কহা চলী, বিড়! তোসে গনৈ ঘালি কো ॥

তোসোং কহোং দসকঙ্কর রে,রঘুনাথ বিরোধু ন কীজিএ বৌরে।
বালি বলী, থরু, দূশন ওর অনেক গিরে জে-জে ভীতিমেং দৌরে ॥
ঐসিঅ হাল ভগ্ন তোহি ধোং,ন তু লৈ মিলু সীয় চহৈ সুখু জোং রে।
রামকেং রোষ ন রাখি সকেং তুলসী বিধি, শ্রীপতি,সঙ্করু সৌ রে ॥

তুঁ রজনীচরনাথ মহা, রঘুনাথকে সেবককো জনু হোং হোং।
বলবান হৈ স্বানু গলীং অপনীং, তোহি লাজ ন গালু বজাবত সৌহোং।
বীস ভুজা, দস সীস হরোং, ন ডরোং, প্রভু-আয়সু-ভঙ্গ তেং জোং হোং।
খেতমেং কেহরি জ্যোং গজরাজ দলোং দল, বালিকো বালকু তোং হোং ॥

কোসলরাজকে কাজ হোং আজু ত্রিকুটু উপারি, লৈ বারিধি বোরোং।
মহাভুজদণ্ডে অণ্ডকটাহ চপেটকীং চোট চটাক দৈ ফোরোং॥

আয়সু ভঙ্গতেং জোং ন ডরোং, সব মীজি সভাসদ শ্রোণিত ঘোরোং।
বালিকো বালকু জোং, 'তুলসী' দসহু মুখকে রনমেং রদ তোরোং
অতি কোপসোং রোপ্যো হৈ পাউ সভা, সব লক্ষ সসঙ্কিত, সোরু মচা।
তমকে ঘননাদ-সে বীর প্রচারি কৈ, হারি নিসাচর-সৈনু পচা॥

ন টরে পণ্ড মেরুহ তেং গরু ভো, সো মনো মহি সঙ্গ বিরঞ্চিত রচা।
'তুলসী' সব সূর সরাহত হৈং, জগমেং বলসালি হৈ বালি-বচা॥

রোপ্যো পাউ পৈজ কৈ, বিচারি রঘুবীর বলু
লাগে ভট সমিটি, ন নেকু টসকতু হৈ॥

তজ্যো ধীরু-ধরনীং, ধরনীধর ধসকত,
ধরাধরু ধীর ভারু সহি ন সকতু হৈ॥

মহাবলী বালিকেং দবত কলকতি ভূমি,
'তুলসী' উছলি সিন্ধু, মেরু মসকতু হৈ।

কমঠ কঠিন পীঠি ঘট্টা পর যো মন্দরকো,
আয়ো সোঙ্গি কাম, পৈ করেজো কসকতু হৈ॥

রাবণ ঔর মন্দোদরী

ঝুলনা

কনকগিরিসঙ্গ চটি দেখি মর্কটকটকু,
বদত মন্দোদরী পরম ভীতা।
সহসভুজ-মত্তগজরাজ-রনকেসরী
পরসুধর গবু জেহি দেখি বীতা॥

দাস তুলসী সমরসূর কোসলধনী,
খ্যাল হীং বালি বলসালি জীতা।
রে কন্ত ! ত্বন দন্ত গহি 'সরন শ্রীরামু' কহি,
অজহঁ এহি ভাঁতি লৈ সৌম্পু সীতা॥

রে নীচ! মারীচু বিচলাই, হতি তাড়কা,
ভঞ্জি সিংচাপু সুখু সবহি দীনেহ্যা।
সহস দসচারি খল সহিত থর-দূষনহি,
পৈঠে জমধাম, তৈং তউ ন চীনেহ্যা॥

মৈং জো কহৌং, কল্ল! সুনু মল্ল ভগবল্লসোং
বিমুখ হৈ বালি ফলু কোন লীলহ্যা।
বীস ভুজ, দস সীস থীস গএ তবহিং জব,
ঈস কে ঈসসোং বৈরু কীলহ্যা॥

বালি দলি, কাল্লি জলজান পাশান কিয়ে,
কল্ল! ভগবল্ল তৈং তউ ন চীলহং।
বিপুল বিকরাল ভট ভালু-কপি কাল -সে,
সঙ্গ তরু তুঙ্গ গিরিসঙ্গ লীলহং॥

আইগো কোসলাধীসু তুলসীস জেংহি
ছত্র মিস মৌলি দস দূরি কীলহং।
ঈস বকসীস জনি থীস করু, ঈস! সুনু,
অজহঁ কুলকুসল বৈদেহি দীলহং॥

সৈনকে কপিন কো কো গনৈ, অবুদে
মহাবলবীর হনুমান জানী।
ভুলিহৈ দস দিসা, সীস পুনি ডোলিহৈং,
কোহপি রঘুনাথু জব বান তানী॥

৫৩

বালিহঁ গবু জিয় মাহিং ঐসো কিয়ে,
মারি দহপট দিয়ো জমকী ঘানীং।
কহতি মল্লোদরী, সুনহি রাবন! মতো,
বৈগি লৈ দেহি বৈদেহি রানী॥

গহনু উজ্জারি, পুরু জারি, সুতু মারি তব,
কুসল গো কীসু বর বৈরি জাকো।
দুসরো দূতু পনু রোহপি কোপেউ সভাঁ,
খর্ব কিয়ে সর্বকো, গবু থাকো॥

দাসু তুলসী সভয় বদত ময়নন্দিনী,
মন্দমতি কল্ল, সুনু মল্ল শহাকো।
তৌলো মিলু বেগি, নহি জৌংলৌং রন রোষ ভয়ো
দাসরথি বীর বিরুদৈত বাঁকো॥

কাননু উজারি, অঙ্কু মারি, ধারি ধূরি কীলহীং,
নগরু প্রচার যো, সো বিলোক্যো বনু কীসকো।
তুশৈহং বিদ্যমান জাতুধানমণ্ডলীমেং কপি
কোহপি রোপ্যো পাউ, সো প্রভাউ তুলসীসকো॥

কল্ল! সুনু মল্ল কুল-অল্ল কিএঁ অন্ত হানি,
হাতো কীজৈ হীযতেং ভরোসো ভুজ বীসকো।

৫৪

তৌলোং মিলু বেগি জৌলোং চাপু ন চঢ়াযো রাম,
রোষি বানু কাঢ়্যো ন দলৈয়া দসসীসকো॥

'পবনকো পুতু দেখ্যো দুতু বীর বাঁকুরো,জো
বঙ্ক গঢ় লঙ্ক-সো ঢকাঁ ঢকেলি চাহিগো।
বালি বলসালিকো সো কাল্হি দাপু দলি কোপি,
রোপ্যো পাউ চপরি, চমুকো চাউ চাহিগো॥

সোঙ্গি রঘুনাথ কপি সাথ পাথনাথু বাঁধি,
আয়ো নাথ! ভাগে তেং থিরিরি থেহ থাহিগো।
'তুলসী' গরবু তজি মিলিবেকো সাজু সজি,
দেহি সিয়, ন তৌ পিয়! পাইমাল জাহিগো॥

উদধি অপার উতরত নহিং লাগী বার
কেসরীকুমারু সো অদগু-কৈসো ডাঁড়িগো
বাটিকা উজারি, অক্ষু, রক্ষকনি মারি ভট
ভারী ভারী রাউরেকে চাউর-সে কাঁড়িগো॥

৫৫

'তুলসী' তিহারেং বিদ্যমান জুবরাজ আজু
কোহপি পাউ রোপি, সব ছুছে কৈ কৈ ছাঁড়িগো।
কহেকী ন লাজ, পিয়! আজহুঁ ন পিয় আএ বাজ,
সহিত সমাজ গঢ়ু রাঁড়-কৈসো ভাঁড়িগো॥

জাকে রোষ-দুসহ-ত্রিদোষ-দাহ দূরি কীলৈহ,
পৈঅত ন ছত্রী-খোজ খোজত থলকমেং।
মাহিমতীকো নাথ! সাহসী সহস বাহু॥

সমর-সমর্থ নাথ! হেরিএ হলকমেং॥

সহিত সমাজ মহারাজ সো জহাজরাজু
বুড়ি গয়ো জাকে বল-বারিধি-ছলকমেং।
টুটত পিনাককেং মনাক বাম রামসে, তে
নাক বিনু ভএ ভুণ্ডনায়কু পলকমেং॥

৫৬

কীনহী ছোনী ছত্রী বিনু ছোনিপ-ছপনিহার,
কঠিন কুঠার পানি বীর-বানি জানি কৈ।
পরম কৃপাল জো নৃপাল লোকপালন পৈ,
জব ধনুহাঈ ফৈহৈ মন অনুমানি কৈ॥

নাকমেং পিনাক মিস বামতা বিলোকি রাম
রোক্যো পরলোক লোক ভারী ভ্রম ভানি কৈ।

নাই দস মাথ মছি, জোরি বীস হাথ, পিয় !
মিলিএ পৈ নাথ ! রঘুনাথ পহিচানি কৈ ॥

কহ্যো মতু মাতুল, বিভীষনহুঁ বার-বার,
আঁচরু পসার পিয় ১ পায় লৈ-লৈ হৌং পরী।

বিদিত বিদেহপুর নাথ! ভুগুনাথগতি,
সময় সয়ানী কীলহী জৈসী আই গৌং পরী।
বায়স, বিরোধ, খর, দুশন, কবন্ধ, বালি,
বৈর রঘুবীরকেং ন পুরী কাহুকী পরী।
কন্ত বীস লোয়ন বিলোকিএ কুমন্তফলু,
খ্যাল লঙ্কা লাগে কপি রাঁডকী-সী ঝোপরী ॥

৫৭

রাম সোং সামু কিএঁ নিতু হৈ হিতু, কোমল কাজ ন কীজিএ টাঁঠে।
আপনি সুঝি কহৌং, পিয় ! বৃঝিএ, ঝুঝিবে জোগু ন ঠাহরু, নাঠে ॥

নাথ! সুনী ভুগুনাথকথা, বলি বালি গএ চলি বাতকে সাঁঠেং।
ভাই বিভীষনু জাই মিল্যো, প্রভু আই পরে সুনি সায়র কাঁঠেং ॥

পালিবেকো কপি-ভালু-চমু জম কাল করালহকো পহরী হৈ।
লঙ্ক-সে বঙ্ক মহা গঢ় দুর্গম ঢাহিবে-দাহিবেকো কহরী হৈ ॥

তীতর-তোম তমীচর-সেন সমীরকো সুনু বড়ো বহরী হৈ।
নাথ! ভালো রঘুনাথ মিলেং রজনীচর-সেন হিএঁ হহরী হৈ ॥

৫৮

রাক্ষস-বানর-সংগ্রাম

রোষ্যো রন রাবনু বোলাএ বীর বানহিত,
জানত জে রীতি সব সঞ্জুগ সমাজকী।
চলী চতুরঙ্গ চমু, চপরি হনে নিসান,
সেনা সরাহন জোগ রাতিচররাজকী ॥

তুলসী বিলোকি কপি-ভালু কিলকত
ললকত লখি জ্যাং কঁগাল পাতরী সুনাজকী।
রামরুখ নিরখি হরষ্যো হিয়ঁ হনুমানু,
মানো খেলবার খোলী সীসতাজ বাজকী ॥

সাজি কৈ সনাহ-গজগাহ সউছাহ দল,
মহাবলী ধাএ বীর জাতুধান ধীরকে।
ইহাঁ ভালু-বন্দর বিসাল মেরু-মন্দর-সে।
লিএ সৈল-সাল তোরি নীরনিধিতীরকে ॥

তুলসী তমকি-তাকি ভিরে ভারী জুখদ ফুখদ,

সেনপ সরাহে নিজ নিজ ভট ভীৰকে।
ৰুণনকে বুণ্ড বুমি-বুমি বুকৰে-সে নাচৈং,
সমৰ সুমার সূৰ মারৈং ৰঘুবীৰকে॥

৫৯

তীখে তুৰঙ্গ কুৰঙ্গ সূৰঙ্গনি সাজি চড়ে ছঁটি ছেল ছবীলে।
ভাৰী গুমান জিনেহং মনমেং, কবহুঁ ন ভএ ৰনমেং তন ঢীলে॥

তুলসী লখী কৈ গজ কেহৰি জ্যোং ঝপটে, পটকে সব সূৰ সলীলে।
ভূমি পৰে ভট ভূমি কৰাহত, হাঁকি হনে হনুমান হঠীলে।
সূৰ সঁজোইল সাজি সুবাজি, সুসেল ধৰৈং বগমেল চলে হৈং

ভাৰী ভুজা ভৰী, ভাৰী সৰীৰ, বলী বিজয়ী সব ভাঁতি ভলে হৈং॥

'তুলসী' জিনহ ধাঞা ধুকৈ ধৰনী, ধৰনীধৰ ধৌৰ ধকান হলে হৈং।
তে ৰন-তীকখন লকখন লাখন দানি জ্যোং দাৰিদ দাবি দলে হৈং॥

গহি মন্দৰ বন্দৰ-ভালু চলে, সো মনো উনয়ে ঘন সাবনকে।
'তুলসী' উত বুণ্ড প্রচণ্ড বুকৈ, ঝপটেং ভট জে সূৰদাবনকে॥

বিরুঝে বিরুদৈত জে খেত অৰে, ন টরে হঠি বৈৰু বঢ়াবনকে।
ৰন মাৰি মচী উপৰী-উপৰা ভলেং বীৰ ৰঘুপ্ৰতি ৰাবনকে॥

৬০

সৰ-তোমৰ সেলসমূহ পঁৱৰত, মারত বীৰ নিসাচৰকে।
ইত তেং তৰু-তাল তমাল চলে, থৰ থণ্ড প্রচণ্ড মহীধৰকে॥

'তুলসী' কৰি কেহৰিনাদু ভিৰে ভট, থল থগে, থপুআ থৰকে।
নথ-দন্তন সোং ভুজদণ্ড বিহণ্ডত, মুণ্ডসোং মুণ্ড পৰে ঝৰকৈং॥

ৰজনীচৰ-মত্তগয়ন্দ-ঘটা বিঘটে ম্গৰাজকে সাজ লৰৈ।
ঝপটে ভট কোটি মহীং পটকৈ, গৰজে, ৰঘুবীৰকী সোংহ কৰৈ
তুলসী উত হাঁক দমাননু দেত, অচেত ভে বীৰ, কো ধীৰ ধৰৈ।
বিরুঝো ৰন মাৰুতকো বিরুদৈত, জো কালহ কালসো বুমি পৰৈ॥

জে ৰজনীচৰ বীৰ বিসাল, কৰাল বিলোকত কাল ন থাএ।
তে ৰন-ৰোৱ কপীসকিসোৱ বড়ে বৰজোৱ পৰে ফগ পায়ে॥

লুম লপেটি, অকাস নিহাৰি কৈ, হাঁকি হঠী হনুমান চলাএ
সুখি গে গাত, চলে নভ জাত, পৰে ভ্রমবাত, ন ভুতল আএ॥

৬১

জো দসসীসু মহীধৰ ঈসকো বীস ভুজা খুলি খেলনিহাৰো।

লোকপ, দিগ্গজ, দানব ,দেব সৰৈ সহমে সুনি সাহসু ভারো॥

বীর বড়ো বিৰুদৈত বলী, অজহুঁ জগ জাগত জাসু পঁবারো।
সো হনুমান হন্যো মুঠিকাঁ গিরি গো গিরিৰাজু জ্যোং গাজকো মারো॥

দুৰ্গম দুৰ্গ, পহারতেং ভারে, প্রচণ্ড মহা ভুজদণ্ড বনে হৈং ।
লক্ষ্মেং পৰুখর, তিক্খন তেজ, জে সূরসমাজমেং গাজ গনে হৈং ॥

তে বিৰুদৈত বলী রনবাঁকুরে হাঁকি হঠী হনুমান হনে হৈং।
নামু লৈ রামু দেখাবত বন্ধুকো ঘুমত ঘায়ল ঘায়ঁ ঘনে হৈং ॥

হাথিন সোং হাথী মারে, ঘোরেসোং সঁঘারে ঘোরে,
রথনি সোং রথ বিদরনি বলবানকী।

৬২

চঞ্চল চপেট, চোট চরন চকোট চাহেং,
হহরানী ফোজেং ভহরানী জাতুধানকী॥

বার-বার সেবক-সরাহনা করত রামু,
'তুলসী' সরাহৈ রীতি সাহেব সুজানকী।
লাঁবী লুম লসত, লপেটি পটকত ভট,
দেখৌ দেখৌ, লখন ! লরনি হনুমানকী॥

দবকি দবোরে এক, বারিধিমেং বোরে এক,
মগন মহীমেং, এক গগন উড়াত হৈং।
পকরি পছারে কর, চরন উথারে এক,
চীরী-ফারি ডারে, এক মীজি মারে লাত হৈং ॥

'তুলসী' লখত, রামু রাবনু বিবুধ, বিধি,
চক্রপানি, চণ্ডীপতি, চণ্ডিকা সিহাত হৈং ॥

বড়ে-বড়ে বানইত বীর বলবান বড়ে,
জাতুধান, জুথপ নিপাতে বাতজাত হৈং ॥

৬৩

প্রবল প্রচণ্ড বরিবণ্ড বাহুদণ্ড বীর
ধাএ জাতুধান, হনুমানু লিয়ো ঘেরি কৈ।
মহাবলপুঞ্জ কুঞ্জরারি জ্যোং গরজি, ভট
জহাঁ-তহাঁ পটকে লঁগুর ফেরি-ফেরি কৈ।
মারে লাত,তোরে গাত, ভাগে জাত হাহা খাত,
কহৈং, 'তুলসীস! রাখি' রামকী সোং টরি কৈ।
ঠহর-ঠহর পরে, কহরি-কহরি উঠৈং,
হহরি-হহরি হরু সিধদ হঁসে হেরি কৈ ॥

জাকী বাঁকী বীরতা সুনত সহমত সূর,

জাকী আঁচ অবহুঁ লসত লঙ্ লাহ-সী।
সোঙ্গি হনুমান বলবান বাঁকো বানইত,
জোহি জাতুধান-সেনা চল্যো লেত থাহ-সী ॥

কম্পত অকম্পন, সুখায় অতিকায় কায়,
কুস্তউকরন আই রহ্যো পাই আহ-সী।
দেখে গজরাজ মৃগরাজু জ্যোং গরজি ধায়ো,
বীর রঘুবীরকো সমীরসুনু সাহসী ॥

৬৪

ঝুলনা

মত্ত-ভট-মুকুট, দসকণ্ঠ-সাহস-সইল-
সুঙ্গ-বিদ্রনি জনু বজ্র-টাঁকী।
দসন ধরি ধরনি চিকরত দিগ্গজ, কমঠু,
সেশু সঙ্কুচিত, সঙ্কিত পিনাকী ॥

চলত মহি-মেরু, উচ্ছলত সায়র সকল,
বিকল বিধি বধির দিসি-বিদসি ঝাঁকী।
রজনিচর-ঘরনি ঘর গর্ভ-অর্ভক প্রবত,
সুনত হনুমানকী হাঁক বাঁকী ॥

কোনকী হাঁকপর চোঙ্ক চণ্ডীসু বিধি,
চওকর থকিত ফিরি তুরগ হাঁকে।
কোনকে তেজ বলসীম ভট ভীম-সে
ভীমতা নিরখি কর নয়ন ঢাঁকে ॥

দাস-তুলসীসকে বিরুদ বরনত বিদুষ,
বীর বিরুদৈত বর বৈরি ধাঁকে।
নাক নরলোক পাতাল কোউ কহত কিন

কহাঁ হনুমানু-সে বীর বাঁকে।

৬৫

জাতুধানাবলী-মত্তকুঞ্জরঘটা
নিরখি মত্তগরাজু জ্যোং গিরিতেং টুট্যো।
বিকট চটকন চোট, চরন গহি, পটকি মহি,
নিঘটি গএ সুভট, সতু সবকো ছুট্যো ॥

'দাসু তুলসী' পরত ধরনি ধরকত, বুকত
হাট-সী উঠতি জম্বুকনি লুট্যো।
ধীর রঘুবীরকো ভীর রনবাঁকুরো
হাঁকি হনুমান কুলি কটকু কুট্যো ॥

ছপ্পৈ

কতই বিটপ-ভূধর উপারি পরসেন বরষত।
কতই বাজিসোং বাজি মর্দি, গজরাজ করষত ॥

চরনচোট চটকন চকোট অরি-উর-সির বজ্জত।
বিকট কটকু বিদরত বীরু বারিদু জিমি গজ্জত ॥

লঙ্গুর লপেটত পটকি ভট,'জয়তি রাম,জয়!উচ্চরত।
তুলসীস পবননন্দনু অটল জুধদ জুধদ কৌতুক করত ॥

৬৬

অঙ্গ-অঙ্গ দলিত ললিত ফুলে কিংসুক-সে
হনে ভট লাখন লখন জাতুধানকে।
মারি কৈ, পছারি কৈ, উপারি ভুজদণ্ড চণ্ড,
খণ্ডি-খণ্ডি ডারে তে বিদারে হনুমানকে ॥

কুদত কবন্ধকে কদম্ব বম্ব-সী করত,
ধাবত দিখাবত হৈং লাঘো রাঘোবানকে।
তুলসী মহেসু, বিধি, লোকপাল, দেবগন,
দেখত বেবান চড়ে কৌতুক মসানকে ॥

লোথিন সোং লোহুকে প্রবাহ চলে জহাঁ-তহাঁ
মানহঁ গিরিনহ গেরু ঝরনা ঝরত হৈং।
শ্রোণিতসরিত ঘোর কুঞ্জর-করারে ভারে,

কূলতেং সমূল বাজি-বিটপ পরত হৈং ॥

সুভট-সরীর নীর-চারী ভারী-ভারী তহাঁ,
সূরনি উছাহ, কুর কাদর ডরত হৈং।
ফেকরি- ফেকরি ফেরু ফারি- ফারি পেট খাত,
কাক-কঙ্ক বালক কোলাহলু করত হৈং ॥

৬৭

ওঝরীকী ঝোরা কাঁধে, আঁতনিকী সেল্হী বাঁধেং,
মুঁডকে কমণ্ডল থপর কিএঁ কোরি কৈ।
জোগিনী ঝুটুঙ্গ ঝুণ্ড-ঝুণ্ড বনীং তাপসীং-সী
তীর-তীর বৈঠাং সো সমর-সরি খোরি কৈ ॥

শ্রোণিত সোং সানি -সানি গূদা খাত সতুআ-সে
প্রেত এক পিঅত বহোরি ঘোরি-ঘোরি কৈ।
'তুলসি' বৈতাল-ভূত সাথ লিএ ভূতনাথু,
হেরি- হেরি হঁসত হৈং হাথ-হাথ জোরি কৈ ॥

রাম সরাসন তেং চলে তীর রহে ন সরীর, হড়াবরি ফুটীং।
রাবন ধীর ন পীর গনী, লখি লৈ কর থরুপর জোগিনি জুটীং ॥

শ্রোনিত -ছীট ছটানি জটে তুলসী প্রভু সোহৈং মহা ছবি ছুটিং।
মানো মরকত-সৈল বিসালমেং ফেলি চলীং বর বীরবহুটিং

৬৮

লক্ষ্মণমূর্ছা

মানী মৈগনাদসোং প্রচারি ভিরে ভারী ভট,
আপনে অপন পুরুষারথ ন ঢীল কী।
ঘায়ল লখনলালু লখী বিলখানে রামু
ভগৈ আস সিখিল জগন্নিবাস-দীলকী॥

ভাগৈকো ন মোহ ছোহ সীয়কো ন তুলসীস
কহৈং 'মৈং বিভীষনকী কছু ন সবীল কী'
লাজ বাঁহ বোলেকী, নেবাজকী সঁভার-সার
সাহেবু ন রামু-সে বলাই লেউ সীলকী॥

কানন বাসু দসানন সো রিপু
আননশ্রী সসি জীতি লিয়ো হৈ।
বালি মহা বলসালি দল্যো
কপি পালি বিভীষনু ভূপু কিয়ো হৈং॥

তীয় হরী, রন বন্ধু পর্যো
পৈ ভর যো সরনাগত সোচ হিয়ো হৈ।
বাঁহ-পগার উদার কৃপাল
কহাঁ রঘুবীরু সো বীরু বিয়ো হৈ॥

৬৯

লীনেহা উথারি পহারু বিসাল,
চল্যো তেহি কাল, বিলম্বু ন লায়ো।
মারুতনন্দন মারুতকো, মনকো,
থগরাজকো বেগু লজায়ো॥

তীখী তুরা 'তুলসী' কহতো
পৈ হিঁও উপমাকো সমাউ ন আয়ো।
মানো প্রতচ্ছ পরব্রতকী নভ।
লীক লসী, কপি যোং ধুকি ধায়ো॥

চল্যো হনুমানু, সুনি জাতুধান কালনেমি
পঠ্যো ,সো মুনি ভয়ো, পায়ো ফলু ছলি কৈ।
সহসা উথারো হৈ পহারু বহ জোজনকো,
রথবারে মারে ভারে ভুরি ভট দলি কৈ॥

৭০

বেগু, বলু সাহস,সরাহত কৃপালু রামু
ভরতকী কুসল, অচলু ল্যায়ো চলি কৈ।

হাথ হরিনাথকে বিকানে রঘুনাথ জনু,
সীলসিন্ধু তুলসীস ভলো মান্যো ভলি কৈ॥

যুদ্ধদকা অন্ত
বাপ দিয়ো কাননু, ভো আননু সুভাননু সো,
বৈরী ভৌ দসাননু সো, তীয়কো হরনু ভো
বালি বলসালি দলি, পালি কপিরাজকো,
বিভীষনু নেবাজি, সেত সাগর-তরনু ভো॥

ঘোর রারি হেরি ত্রিপুরারি-বিধি হারে হিঁ,
ঘায়ল লখন বীর নর বরনু ভো।
ঐসে সোকমেং তিলোকু কৈ বিসোক পলহী মেং,
সবহী কো তুলসীকো সাহেবু সরনু ভো॥

৭১

কুঙ্করনু হন্যো রন রাম, দল্যো দসকঙ্করু কঙ্কর তোরে।
পুষনবংস বিভূষন-পুষন-তেজ-প্রতাপ গরে অরি-ওরে॥

দেব নিসান বজাবত, গাবত, সাঁবতু গো মনভাবত ভো রে।
নাচত-বানর-ভালু সবৈ 'তুলসী' কহি 'হা রে! হহা ভৈ অহো রে'॥

মারে রন রাতিচর রাবনু সকুল দলি,
অনুকুল দেব-মুনি ফুল বরষতু হৈ।
নাগ, নর, কিংনর, বিরঞ্চি, হরি, হরু হেরি

পুলক সরীর হিঁ হেতু হরষত হৈং॥

বাম ওর জানকী কৃপানিধানকে বিরাজেং,
দেখত বিষাদু মিটে, মোদু করষতু হৈং।
আয়সু ভো ,লোকনি সিধারে লোকপাল সবৈ,
'তুলসী' নিহাল কৈ কৈ দিয়ৈ সরষতু হৈং॥

(ইতি লঙ্কাকাণ্ড)

৭২

উত্তরকাণ্ড

রামকী কৃপালুতা

বালি-সো বীরু বিদারি সুকর্নু, থপ্যো, হরষে সুর বাজনে বাজে।
পলমেং দল্যো দাসরথীং দসকঙ্করু, লঙ্ক বিভীষনু রাজ বিরাজে॥

রাম সুভাউ সুনৈ 'তুলসী' হিলসৈ অলসী হম-সে গলগাজে।

কাযর কূর কপূতনকী হদ, তেউ গরীবনেবাজ নেবাজে॥

বেদ পড়েং বিধি,সঙ্কুসভীত পূজাবন রাবনসোং নিতু আবেং।
দানব দেব দয়াবনে দীন দুখী দিন দূরহি তেং সিরু নাবেং॥

ঐসেউ ভাগ ভগে দসভাল তেং জো প্রভুতা কবি-কোবিদ গাবেং।
রামসে বাম ভএঁ তেহি বামহি বাম সবৈ সুখ সম্পতি লাবেং॥

বেদ বিরুদ্ধদ মহী, মুনি সাধু সসোক কিএ সুরলোকু উজারো।
ওর কথা কহোং, তীয় হরী, তবহুঁ করুনাকর কোপু ন ধারো॥

সেবক-ছোহ তেং ছাড়ী ছমা, তুলসী লখ্যো রাম !সুভাউ তিহারো।
তৌলোং ন দাপু দল্যো দসকঙ্কর, জৌলো বিভীষন লাভু ন মারো॥

৭৩

সোক সমুদ্র নিমজ্জত কাটি কপীসু কিয়ো, জগু জানত জৈসো।
নীচ নিসাচর বৈরিকো বন্ধু বিভীষনু কীলহ পুরন্দর কৈসো॥

নাম লিএঁ অপনাই লিয়ো তুলসী-সো, কহোং জগ কৌন অনৈসো।
আরত আরতি ভঞ্জন রামু, গরীবনেবাজ ন দূসরো ঐসো॥

মীত পুনীত কিয়ো কপি ভালুকো ,পাল্যো জ্যোং কাহঁ ন বাল তনুজো।
সঙ্কন সীংব বিভীষনু ভো, অজহুঁ বিলসৈ বর বন্ধুবধু জো॥

কোসলপাল বিনা 'তুলসী' সরনাগতপাল কৃপাল ন দুজো।
কূর, কুজাতি, কুপূত, অঘী, সবকী সুধরৈ,জো করৈ নরু পূজো॥

তীয় সিরোমনি সীয় তজী, জেহিং পাবককী কলুষাঙ্গ দহী হৈ॥

ধর্মধুরঙ্কর বন্ধু তজ্যো, পুরলোগনিকী বিধি বোলি কহী হৈ॥

কীস নিসাচরকী করনী ন সুনী,ন বিলোকী, ন চিত্ত রহী হৈ।
রাম সদা সরনাগতকী অনখোংহীং,অনৈসী সুভায়ঁ সহী হৈ॥

৭৪

অপরাধ অগাধ ভএঁ জনতেং, অপনে উর আনত নাহিন জু।
গনিকা,গজ , গীধ ,অজামিলকে গনি পাতকপুঞ্জ সিরাহিং ন জু॥

লিএঁ বারক নামু সুধামু দিয়ো ,জেহিং ধাম মহামুনি জাহিং ন জু
তুলসী! ভজু দীনদয়ালহি রে ! রঘুনাথ অনাথহি দাহিন জু॥

প্রভু সত্য করী প্রহলাদগিরা, প্রগটে নরকেহরি খন্ড মহাঁ।
ঝষরাজ গ্রস্যো গজরাজু,কৃপা ততকাল বিলম্বু কিয়ো ন তহাঁ॥

সুর সাথি দৈ রাথী হৈ পাণ্ডুবধু পট লুটত, কোটিক ভূপ জহাঁ।
তুলসী ! ভজু সোচ-বিমোচনকো, জনকো পনু রাম ন রাখ্যো কহাঁ॥

নরনারি উঘারি সভা মহঁ হোত দিয়ো পটু, সোচু হর যো মনকো।
প্রহলাদ বিষাদ-নিবারন, বারন-তারন, মীত অকারনকো॥

জো কহাবত দীনদয়াল সহী, জেহি ভারু সদা অপনে পনকো।
'তুলসী' তজি আন ভরোস ভজেং, ভগবানু ভলো করিহেং জনকো॥

রিষিনারি উঘারি, কিয়ো সঠ কেবটু মীতু পুনীত, সুকীর্তি লহী।
নিজলোকু দয়ো সবরী-থগকো, কপি থাপ্যো, সো মালুম হৈ সবহী॥

দসসীস-বিরোধ সভীত বিভীষনু ভূপু কিয়ো, জগ লীক রহী।
করুনানিধিকো ভজু, রে তুলসী! রঘুনাথ অনাথকে নাথু সহী॥

কৌসিক, বিপ্রবধু মিথিলাধিপকে সব সোচ দলে পল মাহেং।
বালি-দমানন-বন্ধু-কথা সুনি, সত্র সুসাহেব-সীলু সরাহেং॥

ঐসী অনুপ কহেং তুলসী রঘুনাথকী অগনী গুনগাহেং।
আরত, দীন, অনাথনকো রঘুনাথু কহেং নিজ হাথকী ছাহেং॥

তেরে বেসাহেং বেসাহত ঔরনি, ঔর বেসাহিকৈ বেচনিহারে।
ব্যোম, রসাতল, ভূমি ভরে নৃপ কূর, কুসাহেব সেন্তিহঁ থারে॥

'তুলসী' তেহি সেবত কৌন মরৈ ! রজতেং লঘুকো কহেং মেরুতেং ভারে?
স্বামি সুসীল সমর্থ সুজান, সো তো-হো তুহীং দসরথ দুলারে
জাতুধান, ভালু, কপি, কেবট, বিহঙ্গ জো-জো
পাল্যো নাথ! সদ্য সো. সো ভয়ো কাম-কাজকো।
আরত অনাথ দীন মলিন সরন আগ্র,
রাখে অপনাই, সো সুভাউ মহারাজকো॥

নামু তুলসী, পৈ ভোগো ভাঁগ তেং, কহায়ো দাসু,
কিয়ো অঙ্গীকার ঐসে বড়ে দগাবাজকো।
সাহেবু সমর্থ দসরথকে দয়ালদেব !

দূসরো ন তো-সো তুশহীং আপনেকী লাজকো॥

মহবলী বালি দলি, কায়র সুকর্নু কপি
সথা কিএ মহারাজ! হো ন কাহু কামকো।
ব্রাত-ঘাত-পাতকী নিসাচর সরন আগ্র,
কিয়ো অঙ্গীকার নাথ এতে বড়ে বামকো॥

রায়, দসরথকে ! সমর্থ তেরে নাম লিএঁ,
তুলসী-সে কুরকো কহত জগু রামকো।

আপনে নিবাজেকী তৌ লাজ মহারাজকো
সুভাউ, সমুঝাত মনু মুদিত গুলামকো॥

রূপ-সীলসিন্ধু, গুনসিন্ধু, বন্ধু দীনকো,
দয়ানিধান, জানমনি, বীরবাহ-বোলকো।
স্রাশ্চন্দ কিয়ো গীধকো, সরাহে ফল সবরীকে
সিলা-সাপ-সমন, নিবাহ্যো নেহ কোলকো॥

তুলসী-উরাউ হোত রামকো সুভাউ সুনি,
কো ন বলি জাই, ন বিকাই বিনু মোল কো।
ঐসেহ সুসাহেবসোং জাকো অনুরাগু ন, সো
বড়োঈ অভাগো, ভাগু ভাগো লোভ -লোলকো॥

সূরসিরতাজ, মহারাজনি কে মহারাজ
জাকো নামু লেতহীং সুখেতু হোত উসরো।
সাহেবু কহাঁ জহান জানকীসু সো সুজানু
সুমিরেং কৃপালুকে মরালু হোত খুসরো॥

৭৮

কেবট, পশান, জাতুধান, কপি-ভালু তারে,
অপনাযো তুলসী-সো ধীঙ্গ ধমধুসরো।
বোলকো অটল, বাঁহকো পগারু, দীনবন্ধু,
দূবরেকো দানী, কো দয়ানিধান দুসরো॥

কীবেকো বিসোক লোক লোকপাল হতে সব,
কহুঁ কোউ ভো ন চরবাহো কপি -ভালুকো।
পবিকো পহারু কিয়ো খ্যালহী কৃপাল রাম,
বাপুরো বিভীষনু ঘরৌন্কা হতো বালকো॥

নাম-ওট লেত হী নিখোট হোত খোট খল,
চোট বিনু মোট পাই ভয়ো ন নিহালু কো?
তুলসীকী বার বড়ী টীল হোতি সীলসিন্ধু !
বিগরী সুধারিবেকো দুসরো দয়ালু কো॥
নামু লিঞ পূতকো পুনীত কিয়ো পাতকীসু
আরতি নিবারী 'প্রভু পাহি' কহেং পীলকী।

৭৯

ছলনিকো ছোপ্তী, সো নিগোড়ী ছোটী জাতি -পাঁতি
কীন্হী লীন আপুমেং সুনারী ভোংড়ে ভীলকী॥

তুলসী ও তোরিবো বিসারবো ন অন্ত মোহি,
নীকেং হৈ প্রতীতি রাবরে সুভাব-সীলকী।
দেউ,তো দয়ানিকেত, দেত দাদি দীনকো,
মেরী বার মেরেং হী অভাগ নাথ টীল কী॥

আগেং পরে পাহন কৃপাঁ কিরাত, কোলনী,

কপীস, নিসিচর অপনাএ নাএঁ মাথ জু।
সাঁচী সেবকাঈ হনুমান কী সুজানরায়,
রিনিয়াঁ কথাএ হৌ, বিকানে তাকে হাথ জু॥

তুলসী-সে খোট্টে খরে হোত ওট নাম হী কীং ,
তেজী মাটী মগহু কী মৃগমদ সাথ জু।
বাত চলং বাতকো ন মানিবো বিলগু, বলি,
কাকীং সেবাঁ রীঝিকৈ নেবাজো রঘুনাথ জু?

৮০

কৌসিককী চলত, পয়ানকী পরস পায়,
টুটত ধনুষ বনি গঙ্গ হৈ জনককী।
কোল, পসু, সবরী, বিহঙ্গ, ভালু, রাতিচর,
রতিনকে লালচটিন প্রাপতি মনককী॥

কোটি-কলা-কুসল কৃপাল নতপাল ! বলি,
বাতহু কেতিক তিন তুলসী তনককী।
রায় দসরথ কে সমথ রাম রাজমনি !
তেরেং হেরেং লোপৈ লিপি বিধিহু গনককী॥

সিলা-শ্রাপ পাপু গুহ-গীধকো মিলাপু
সবরীকে পাস আপু চলি গএ হৌ সো সুনী মৈং।
সেবক সরাহে কপিনায়কু বিভীষনু
ভরতসভা সাদর সনেহ সুরধুনী মৈং॥

আলসী- অভাগী-অঘী-আরত -অনাথপাল
সাহেবু সমর্থ একু, নীকেং মন গুনী মৈং।
দোষ-দুখ-দারিদ-দলৈয়া দীনবন্ধু রাম !
'তুলসী' ন দূসরো দয়ানিধানু দুনী মৈং॥

৮১

মীতু বালিবন্ধু, পুতু, দুতু, দসকন্ধবন্ধু
সচিব, সরাধু কিয়ো সবরী-জটাইকো।
লঙ্ক জরী জোহেং জিয়ঁ সোচসো বিভীষনুকো,
কহৌ ঐসে সাহেবকী সেবাঁ ন খটাই কো॥

বড়ে এক-একতেং অনেক লোক লোকপাল,
অপনে-অপনেকো তৌ কহৈগো ঘটাই কো।
সাঁকরেকে সেইবে, সরাহিবে, সুমিরিবেকো
রামু সো ন সাহেবু ন কুমতি-কটাই কো॥

ভূমিপাল, ব্যালপাল, নাকপাল, লোকপাল
কারন কৃপাল, মৈং সবৈকে জীকী থাহ লী।
কাদরকো আদরু কাহুকেং নাহিং দেখিঅত,
সবনি সোহাত হৈ সেবা-সুজানি টাহলী॥

তুলসী সুভাষ কহে, নাহিঃ কছু পছপাতু,
কৌনেং ঈস কিএ কীস ভালু খাস মাহলী।
রামহী কে দ্বারে পৈ বোলাই সনমানিত
মোসে দীন দূবরে কপূত কুর কাহলী ॥

৮২

সেবা অনুরূপ ফল দেত ভূপ কূপ জ্যোং,
বিহুনে গুন পথিক পিআসে জাত পথকে।

লেখং-জোথৈ চিত'তুলসী' স্বারথ হিত,
নীকেং দেখে দেবতা দেবৈয়া ঘনে গথকে ॥

গীধু মানো গুরু কপি-ভালু মানে মীত কৈ,
পুনীত গীত সাকে সব সাহেব সমথকে।
ওর ভূপ পরথি সুলুখি তৌলি তাই লেত,
লসমকে থসমু তুহীং পৈ দসরথকে ॥

কেবল রামহীসে মাঁগো
রীতি মহারাজকী, নেবাজিএ জো মাঁগনো,সো
দোষ-দুখ-দারিদ্র দরিদ্র কৈ-কৈ ছোড়িএ।

৮৩

নামু জাকো কামতরু দেত ফল চারি, তাহি
'তুলসী' বিহাইকৈ ববুর-রেংড় গোড়িএ ॥

জাচে কো নরেস, দেস-দেসকো কলেসু করৈ
দেহেং তো প্রসন্ন হৈ বড়ী বড়াঈ বোড়িএ।
কৃপা-পাথনাথ লোকনাথ-নাথ সীতানাথ
তজি রঘুনাথ হাথ ওর কাহি ওড়িয়ে ॥

জাকেং বিলোকত লোকপ হোত, বিসোক লহেং সুরলোগ সুঠৌরহি।
সো কমলা তজি চঞ্চলতা, করি কোটি কলা রিঝবৈ সুরমৌরহি ॥

তাকো কহাই, কহৈ তুলসী, তুঁ লজাহি ন মাগত কুকুর-কৌরহি।
জানকী-জীবনকো জনু হৈ জরি জাউ সো জীহ জো জাচত ওরহি ॥

জড় পঞ্চ মিলৈ জেহিং দেহ করী, করনী লখু ধোং ধরনীধরকী।
জনকী কহ, ক্যোং করিহৈ ন সঁভার, জো সার করৈ সচরাচরকী ॥

তুলসী! কহ রাম সমান কো আন হৈ, সেবকি জাসু রমা ঘরকী।
জগমেং গতি জাহি জগৎপতিকী পরবাহ হৈ তাহি কহা নরকী ॥

৮৪

জগ জাচিঅ কোউ ন, জাচিঅ জোং জিয়ঁ জাচা জানকীজানহি রে।

জেহি জাচত জাচকতা জরি জাই, জো জারতি জোর জহানহি রে॥

গতি দেখু বিচারি বিভীষনকী, অরু আনু হিএ হনুমানহি রে।
তুলসী ! ভজু দারিদ-দোষ-দবানল সঙ্কট-কোটি কৃপানহি রে॥

উদ্বোধন

সুনু কান দিঞ, নিতু নেমু লিঞ রঘুনাথহিকে গুনগাথহি রে।
সুখমন্দির সুন্দর রূপু সদা উর আনি ধরেং ধনু-ভাথহি রে॥

রসনা নিসি-বাসর সাদর সোং তুলসী ! জপু জানকীনাথহি রে।
করু সঙ্গ সুসীল সুসন্তন সোং, তজি কুর, কুফল কুসাথহি রে॥

সুত, দার, অগারু, সথা, পরিবারু বিলোকু মহা কুসমাজহি রে।
সবকী মমতা তজি কৈ, সমতা সজি, সন্তসভা ন বিরাজহি রে॥

নরদেহ কথা, করি দেখু বিচারু, বিগারু গঁবার ন কাজহি রে।
জনি ডোলহি লোলুপ কুকরু জ্যোং, তুলসী ভজু কোসলরাজহি রে॥

৮৫

বিষয়া পরনারি নিসা-তরুনাগি সো পাই পর যো অনুরাগহি রে।
জমকে পহরু দুখ, রোগ বিয়োগ বিলোকত হু ন বিরাগহি রে॥

মমতা বস তৈং সব ভুলি গয়ো, ভয়ো ভোরু মহা ভয় ভাগহি রে।
জরঠাই দিসাঁ, রবিকালু অগো, অজহুঁ জড় জীব ! ন জাগহি রে॥

জনম্যো জেহিং জোনি, অনেক ক্রিয়া সুখ লাগি করীং, ন পরৈং বরনী।
জননী-জনকাদি হিতু ভয়ে ভুরি বহোরি ভগ্ন উরকী জরনী॥

তুলসী ! অব রামকো দাসু কহাই, হিঞ ধরু চাতককী ধরনী।
করি হংসকো বেষু বড়ো সবসোং, তজি দে বক-বায়সকী করনী॥

ভলি ভারতভূমি, ভলেং কুল জন্মু, সমাজু সরীরু ভালো লহি কৈ।
করষা তজি কৈ পরুষা বরষা হিম, মারুত, ঘাম সদা সহি কৈ॥

জো ভজৈ ভগবানু সয়ান সোঙ্গি, 'তুলসী' হঠ চাতকু জ্যোং গহি কৈ॥

নতু ঔর সবৈ বিষবীজ বএ, হর হাটক কামদুহা নহি কৈ॥

৮৬

জো সুকৃতি সুচিন্ত সুসন্ত সুজান সুসীলসিরোমনি স্নে।
সুর-তীরথ তাসু মনাবত আবত, পাবন হোত হৈং তা তনু ছে॥

গুনগেহ সনেহকো ভাজনু সো, সব হী সোং উঠাই কহোং ভুজ দ্বৈ।
সতিভায়ঁ সদা ছল ছাড়ি সবৈ 'তুলসী' জো রহৈ রঘুবীরকো হৈ॥

সো জননী,সো পিতা, সোই ভাই, সোভামিনি,সো সুতু,সো হিত মেরো।
সোই সগো, সো সখা,সোই সেবকু, সো গুরু, সো সুরু,সাহেবু চেরো॥

সো 'তুলসী' প্রিয় প্রান সমান, কহাঁ লোং বনাই কহোং বহুতেরো।
জো ভজি দেহকো, গেহকো নেহ, সনেহসো রামকো হোই সবেরো॥

রামু হৈং মাতু, পিতা, গুরু, বন্ধু, ও সঙ্গী,সখা,সুতু, স্বামি, সনেহী।
রামকী সোংহ, ভরোসো হৈ রামকো, রাম রংগো, রুচি রাচ্যো ন কেহী॥

জীঅত রামু, মুঞ পুনি রামু, সদা রঘুনাথহি কী গতি জেহী।
সোঈ জিএ জগমেং, 'তুলসী' নতু ডোলত ওর মুএ ধরি দেহী॥

রামপ্রেম হী সার হৈ

সিয়রাম-সরুপু অগাধ অনূপ বিলোচন-মীনকো জলু হৈ।
শ্রুতি রামকথা, মুখ রামকো নামু, হিঞ পুনি রামহিকো থলু হৈ
মতি রামহি সোং, গতি রামহি সোং, রতি রামসোং, রামহি কো বলু হৈ।
সবকী ন কহৈ, তুলসীকে মতেং ইতনো জগ জীবনকো ফলু হৈ॥

দসরথকে দানি সিরোমনি রাম! পুরান প্রসিধদ সুন্যো জসু মৈং।
নর নাগ সুরাসর জাচক জো, তুমসোং মন ভাবত পায়ো ন কৈং॥

তুলসী কর জোরি করৈ বিনতী, জো কৃপা করি দীনদয়াল সুনৈং
জেহি দেহ সনেহ ন রাবরে সোং,অসি দেহ ধরাই কৈ জায়ঁ জিযৈং॥

ঝুঠো হৈ, ঝুঠো হৈ,ঝুঠো সদা জগু, সন্ত কহন্ত জে অন্ত লহা হৈ॥

তাকো সহৈ সঠ ! সঙ্কট কোটিক, কাড়ত দন্ত, করন্ত হহা হৈ॥

জানপনীকো ওমান বড়ো, তুলসীকে বিচার গঁবার মহা হৈ।
জানকীজীবনু জান ন জান্যো তো জান কহাবত জান্যো কহা হৈ॥

তিনহ তেং খর, সুকর, স্বান ভলে, জড়তা বস তে ন কহৈং কছু বৈ।
'তুলসী' জেহি রামসোং নেহ নহীং সো সহী পসু পুঁছ, বিষান ন দ্বৈ ।
জননী কত ভার মুগৈ দস মাস, ভগ্ন কিন বাঁঝ,গগ্ন কিন দ্বৈ।
জরি জাউ সো জীবনু জানকীনাথ ! জিযৈ জগমেং তুস্হরৌ বিনু হৈ॥

গজ-বাজি-ঘটা, ভলে ভূরি ভটা, বনিতা, সুত ভোংহ তকৈং সব বৈ।
ধরনী,ধনু ধাম সরীকু ভলো, সুরলোকহ চাহি ইহৈ সুখ স্বৈ।
সব ফোটক সাটক হৈ তুলসী,অপনো ন কছু সপনো দিন দ্বৈ।
জরি জাউ সো জীবন জানকীনাথ! জিযৈ জগমেং তুস্হরৌ বিনু হৈ॥

সুররাজ সো রাজ-সমাজু, সমৃদ্ধি বিরঞ্চি, ধনাধিপ-সো ধনু ভৌ।
পবমানু-সো পাবকু-সো, জমু, সোমু-সো, পুষনু-সো ভবভূষনু ভৌ॥

করি জোগ, সমীরন সাধি, সমাধি কৈ ধীর বডো, বসহু মনু ভৌ।
সব জায়, সুভায় কহৈ তুলসী, জো পৈ জানকীজীবনকো জনু ভৌ॥

৮৯

কামু-সে রূপ, প্রতাপ দিনেসু-সে, সোমু-সে সীল, গনেশু-সে মানে।
হরিচন্দু-সে সাঁচে, বড়ে বিধি-সে, মঘবা-সে মহীপ বিধৈ-সুখ-সানে॥

সুক-সে মুনি, সারদ-সে বকতা, চিরজীবন লোমস তেং অধিকানে।
ঐসে ভএ তৌ কথা 'তুলসী,' জো পৈ রাজিবলোচন রামু ন জানে॥

ঝুমত দ্বার অনেক মতঙ্গ জঁজীর-জরে, মদ অশ্ব চুচাতে।
তীখে তুরঙ্গ মনোগতি-চঞ্চল, পৌনকে গৌনহ তেং বটি জাতে॥

ভীতর চন্দ্রমুখী অবলোকতি, বাহর ভূপ করে ন সমাতে।
ঐসে ভএ তৌ কথা, তুলসী, জো পৈ জানকীনাথকে রঙ্গ ন রাতে॥

রাজ সুরেস পচাসককো বিধিকে করকো জো পটো লিখি পাঞ।
পূত সুপূত, পুনীত প্রিয়া, নিজ সুন্দরতাঁ রতিকো মদু নাঞ॥

সম্পত্তি-সিদ্ধি সবৈ 'তুলসী' মনকী মনসা চতবৈঃ চিত্তু লাঞ॥

জানকীজীবনু জানে বিনা জগ ঐসেউ জীব ন জীব কহাঞ॥

৯০

কৃসগাত ললাত জো রোটিন কো, ঘরবাত ঘরেং খুরপা-খরিয়া।
তিনহ সোনেকে মেরু-সে ঢের লহে, মনু তৌ ন ভরো, ঘরু পৈ ভরিয়া॥

'তুলসী' দুখু দুনো দসা দুহঁ দেখি, কিয়ো মুখু দারিদ কো করিয়া।
তজি আস ভো দাসু রঘুপ্ততিকো, দসরখতকো দানি দয়া-দরিয়া॥
কো ভরিহে হরিকে রিতএঁ, রিতবৈ পুনি কো, হরি জোং ভরিহৈ।
উখপৈ তেহি কো, জেহি রামু থপৈ, থপিহৈ তেহি কো, হরি জোং টরিহৈ॥

তুলসী যহ জানি হিএঁ অপনেং সপনেং নহি কালহ তেং ডরিহৈ।
কুময়াঁ কছু হানি ন ঔরনকীং, জো পৈ জানকী-নাথু ময়া করিহৈ॥

ব্যাল করাল মহাবিশ, পাবক মণ্ডগয়ন্দহ কে রদ তোরে।
সাঁসতি সঙ্কি চলী, ডরপে হতে কিস্কর, তে করনী মুখ মোরে॥

নেকু বিষাদু নহীং প্রহলাদহি কারন কেহরিকে বল হো রে।
কৌনকী গ্রাস করৈ তুলসী জো পৈ রাখিহৈ রাম, তৌ মারিহৈ কো রে।

৯১

কৃপা জিনকীং কছু কাজু নহীং, ন অকাজু কছু জিনকেং মুখু মোরে।
করৈং তিনকী পরবাহি তে, জো বিনু পুঁছ-বিশান ফিরৈং দিন দোরৈং ॥

তুলসী জেহিকে রঘুনাথসে নাথু, সমর্থ সুসেবত রীকত থোরে।
কহা ভবভীর পরী তেহি ধোং বিচরে ধরনীং তিনসোং তিনু তোরেং ॥
কানন, ভূধর, বারি, বয়ারি, মহাবিশু, ব্যাধি, দবা-অরি ঘেরে।
সঙ্কট কোটি জহাঁ 'তুলসী' সুত, মাতু, পিতা, হিত, বন্ধু ন নৈরে ॥

রাখিহৈং রামু কৃপালু তহাঁ, হনুমানু-সে সেবক হৈং জেহি কেরে।
নাক, রসাতল, ভূতলমেং রঘুনাথকু একু সহায়কু মেরে ॥

জবৈ জমরাজ-রজায়সতেং মোহি লৈ চলিহৈং ভট বাঁধি নটৈয়া।
তাতু ন মাতু, ন স্বামি-সখা, সুত-বন্ধু বিসাল বিপত্তি বটৈয়া ॥

সাঁসতি ঘোর, পুকারত আরত কোন সুনে, চহঁ ওর ডটৈয়া।
একু কৃপাল তহাঁ 'তুলসী' দসরখথকো নন্দনু বন্দি-কটৈয়া ॥

৯২

জহাঁ জমজাতনা, ঘোর নদী, ভট কোটি জলচ্চর দন্ত টেবৈয়া।
জহঁ ধার ভয়ঙ্কর, বারন পার, ন বোহিত নাব, ন নীক থেবৈয়া ॥

'তুলসী' জহঁ মাতু-পিতা ন সখা, নহিং কোউ কহঁ অবলম্ব দেবৈয়া।
তহাঁ বুনু কারন রামু কৃপাল বিসাল ভুজা গহি কাটি লেবৈয়া ॥

জহাঁ হিত স্বামি, নসঙ্গ সখা, বনিতা, সুত, বন্ধু, ন বাপ, ন মৈয়া।
কায়-গিরা-মনকে জনকে অপরাধ সবৈ ছলু ছাড়ি ছমৈয়া ॥

তুলসী! তেহি কাল কৃপাল বিনা দুজো কোন হৈ দারুন দুঃখ দমৈয়া ॥

জহাঁ সব সঙ্কট, দুর্গট সোচু, তহাঁ মেরো সাহেবু রাখে রমৈয়া ॥

তাপসকো বরদায়ক দেব সবৈ পুনি বৈরু বঢ়াবত বাড়ে।
থোরৈংহি কোপু, কৃপা পুনি থোরৈংহি, বৈঠি কৈ জোরত, তোরত ঠাড়ে ॥

ঠোঙ্কি-বজাপ্ত লথেং গজরাজ, কহাঁ লোং কহৌং কেহি সোং রদ কাড়ে।
আরতকে হিত নাথু অনাথকে রামু সহায় সহী দিন গাড়ে ॥

৯৩

জপ, জোগ, বিরাগ, মহামথ-সাধন, দান, দয়া, দম কোটি করৈ।
মুনি-সিদ্ধ, সুরেসু, গনেশু, মহেশু-সে সেবত জন্ম অনেক মরৈ ॥

নিগমাগম-গ্যান, পুরান পড়ে, তপসানলমেং জুগপুঞ্জ জরৈ।
মনসোং পনু রোহপি কহৈ তুলসী, রঘুনাথ বিনা দুখ কোন হরৈ ॥

পাতক-পীন, কুদারদ-দীন মলীন ধরৈং কথরী-করবা হৈ।
লোকু কহৈ, বিধিহুঁ ন লিখ্যা সপনেহুঁ নহীং অপনে বর বাহৈ ॥

রামকো কিঙ্করু সো তুলসী, সমুঝেংহি ভলো, কহিবো ন রবা হৈ।
ঐসেকো ঐসো ভয়ো কবহুঁ ন ভজে বিনু বানরকে চরবাহৈ॥

মাতু-পিতা জগ জাই তজ্যো বিধিহুঁ ন লিখী কছু ভাল ভলাগি॥

নীচ, নিরাদরভাজন, কাদর, কুকর-টুকন লাগি ললাগি॥

রামু-সুভাউ সুন্যো তুলসীং প্রভুসোং কহ্যো বারক পেটু থলাগি।
স্বারথকো পরমারথকো রঘুনাথু সো সাহেবু, থোরি ন লাগি॥

৯৪

পাপ হরে, পরিতাপ হরে, তনু পূজি ভো হীতল সীতলতাগি।
হংসু কিয়ো বকতেং, বলি জাউ, কহালোং কহোং করুনা-অধিকাগি॥

কালু বিলোকি কহৈ তুলসী, মনমেং প্রভুকী পরতীতি অঘাগি।
জন্মু জহাঁ, তই রাবরে সোং নিবহৈ ভরি দেহ সনেহ-সগাগি॥

লোগ কহেং, অরু হোংহু কহোং, জন্মু খোটো-খরো রঘুনাথকহীকো।
রাবরী রাম! বড়ী লঘুতা, জসু মেরো ভয়ো সুখদায়কহীকো॥

কৈ যহ হানি সহো, বলি জাউ কি মোহু করো নিজ লায়কহীকো।
আনি হিঁ হিত জানি করো, জ্যোং হোং ধ্যানু ধরোং ধনু-সায়কহীকো॥

আপু হোং আপুকো নীকেং কৈ জানত, রাবরো রাম! ভরায়ো-গঢ়ায়ো।
কীরু জ্যোং নামু রটে তুলসী, সো কহৈ জগু জানকীনাথ পঢ়ায়ো॥

৯৫

সোগি হৈ খেদু জো বেদু কহৈ, ন ঘটৈ জন্মু জো রঘুবীর বঢ়ায়ো।
হোন্তো সদা থরকো অসবার, তিহারোই নামু গয়ন্দ চঢ়ায়ো॥

ছারতেং সঁবারি কৈ পহারহু তেং ভারী কিয়ো,
গারো ভয়ো পঞ্চমেং পুনীত পচ্ছু পাই কৈ।
হোং তো জৈসো তব তৈসো অব অধমাগি কৈ কৈ,
পেটু ভরোং, রাম! রাবরোগি গুণু গাগিকে॥

আপনে নিবাজেকী পৈ কীজৈ লাজ, মহারাজ!
মেরী ওর হেরি কৈ ন বৈঠিএ রিসাই কৈ।
পালিকৈ কৃপাল! ব্যাল-বালকো ন মারিয়ে,
ঐ কাটিএ ন নাথ ! বিষহুকো রুখু লাই কৈ॥

বেদ ন পুরান-গানু, জানোং ন বিগ্যানু গ্যানু,
ধ্যান-ধারনা-সমাধি-সাধন-প্রবীনতা
নাহিন বিরোগু, জোগ, জাগ ভাগ তুলসী কেং,

দয়া-দান দূরো হোং, পাপহী কী পীনতা॥

লোভ-মোহ-কাম-কোহ-দোশ-কোসু-মোসো কোন?
কলিহুঁ জো সীখি লঙ্গি মেরিয়ে মলীনতা।

১৬

একু হী ভরোসো রাম! রাবরো কহাবত হোং,
রাবরে দয়ালু দীনবন্ধু ! মেরী দীনতা॥

রাবরো কহাবোং, গুণু গাবোং রাম! রাবরোই,
রোটা দ্বৈ হোং পাবোং রাম! রাবরী হীং কানি হোং।
জানত জহানু, মন মেরেহুঁ গুমানু বড়ো,
মান্যো মৈং ন দূসরো, ন মানত, ন মানিহোং॥

পাঁচকী প্রতীতি ন ভরোসো মোহি আপনোঙ্গ,
তুম্হ অপনায়ো হোং তবৈ হীং পরি জানিহোং।
গড়ি-গুটি ছোলি-ছালি কুন্দকী-সী ভাঙ্গি বাতৈং
জৈসী মুখ কহোং, তৈসী জীয়াঁ জব আনিহোং॥

বচন,বিকার,করতবউ খুআর, মনু
বিগত-বিচার, কলিমলকো নিধানু হৈ।
রামকো কহাই,নামু বেচি-বেচি, খাই সেবা-
সঙ্গতি ন জাই, পাছিলরকো উপখানু হৈ॥

তেহু তুলসীকো লোগু বলো-ভলো কহৈ, তাকো
দূসরো ন হেতু,একু নীকেং কৈ নিদানু হৈ।

১৭

লোকরীতি বিদিত বিলোকিত জহাঁ-তহাঁ,
স্বামীকেং সনেহঁ স্বানহুঁ কো সনমানু হৈ॥

নাম-বিশ্বাস

স্বারথকো সাজু ন সমাজু পরমারথকো,
মোসো দগাবাজ দূসরো ন জগজাল হৈ।
কৈ ন আয়োং,করোং ন করোগো করতুতি ভলী,
লিখী ন বিরঞ্চিহুঁ ভলাই ভুলি ভাল হৈ॥

রাবরী সপথ, রামনাম হী কী গতি মেরেং,
ইহাঁ ঝুঠো,ঝুঠো সো তিলোক তিহুঁ কাল হৈ।
তুলসী কো ভলো পৈ তুম্হারেং হী কিএঁ কুপাল,
কীজৈ ন বিলম্বু বলি, পানীভরী খাল হৈ॥

রাগুকো ন সাজু ন বিরাগু, জোগ জাগ জিয়ঁ
কায়া নহিং ছাড়ি দেত ঠাটিবো কুঠাটকো।

মনোৱাজু করত অকাজু ভয়ো আজু লগি,
চাহে চাৰু চীৰ, পৈ লহৈ ন টুকু টাটকো॥

ভয়ো করতাকু বড়ে কুরকো কপালু পায়ে
নামুপ্ৰেমু-পারসু, হোং লালচী বরাটকো।
'তুলসী' বনী হৈ রাম! রাবরেং বনাঐ, নাতো
ধোবী-কৈসো কুকরু ন ঘরকো, ন ঘাটকো॥

উঁচো মনু, উঁচী রুচি, ভাণ্ড নীচো নিপট হী,
লোকরীতি-লায়ক ন, লঙ্গর লবারু হৈ॥

স্বারথু অগমু পরমারথকী কথা চলী,
পেটকীং কঠিন জগু জীবকো জবারু হৈ॥

চাকরী ন আকরী, ন খেতী, ন বনিজ-ভীথ,

জানত ন কুর কছু কিসব কবারু হৈ।
তুলসীকী বাজী রাখি রামহীকেং নাম, ন তু
ভেণ্ট পিতরন কো ন মূডহু মেং বারু হৈ॥

অপত-উতার, অপকারকো অগারু, জগ
জাকী ছাঁহ ছুঁই সহমত ব্যাধ-বাঘকো।
পাতক-পুহমি পালিবকো সহসাননু সো,
কাননু কপটকো, পয়োধি অপরাধকো॥
তুলসী-সে ভামকো ভো দাহিনো দয়ানিধানু
সুনত সিহাত সব সিধদ সাধু সাধকো।
রামনাম ললিত-ললামু কিয়ো লাখনিকো,
বড়ো কুর কায়র কপূত-কৌড়ী আধকো॥

সব অঙ্গ হীন, সব সাধন বিহীন মন-
বচন মলীন, হীন কুল করতুতি হোং।
বুধি-বল-হীন, ভাব-ভগতি-বিহীন, হীন
গুন, গ্যানহীন, হীন ভাগ হুঁ বিভূতি হোং॥

তুলসী গরীব কী গঙ্গ-বহোর রামনামু
জাহি জপি জীই রামহু কো বৈঠো ধূতি হোং।
প্ৰীতি রামনামসোং প্ৰতীতি রামনামকী,
প্ৰসাদ রামনামকেং পসারি পায় সুতিহোং

মেৱেং জান জবতেং হোং জীব হৈ জনম্যো জগ,
তবতেং বেসাহ্যো দাম লোহ, কোহ, কামকো।

মন তিনহীকী সেবা, তিনহি সোং ভাউ নিকো,
বচন বনাই কহৌং 'হৌং গুলামু রামকো'
নাথহুঁ ন অপনায়ো, লোক বৃষ্ঠী হৈ পরী, পৈ
প্রভুহু তেং প্রবল প্রতাপু প্রভু নামকো।
আপনীং ভলাগৈ ভলো কীজৈ তো ভলাগৈ, ন তো
তুলসীকো খুলৈগো খজানো খোটে দামকো
জোগ ন বিরাগু, জপ, জাগ, তপ, ত্যাগু, ব্রত,
তীরথ ন ধর্ম জানৌং, বেদবিধি কিমি হৈ।
তুলসী-সো পোচ ন ভয়ো হৈ, নহি বেহহৈ কহুঁ,
সোচৈং সব, যাকে অঘ কৈসে প্রভু ছমিহৈং ॥

মেরেং তো ন ডরু, রঘুবীর! সুনৌ, সাঁচী কহৌং,
খল অনথৈহৈং তুশৈহৈং, সজ্জন ন গমিহৈং।
ভলে সুকৃতীকে সঙ্গ মিহি তুলাঁ তোলিএ তো,
নামকেং প্রসাদ ভারু মেরী ওর নমিহৈং ॥

১০১

জাতিকে, সুজাতিকে, কুজাতিকে পেটাগি বস
থাএ টুক সবকে, বিদিত বাত দুনীং সো।
মানস-বচন-কাযঁ কিএ পাপ সতিভায়ঁ,
রামকো কহাই দাসু দগাবাজ পুনী সো।

রামনামকো প্রভাউ, পাউ, মহিমা, প্রতাপু
তুলসী-সো জগ মনিঅত মহামুনী-সো।
অতিহীং অভাগো, অনুরাগত ন রামপদ,
মুট! এতো বড়ো অচিরিজু দেখি-সুনী সো ॥

জায়ো কুল মঙ্গন, বধাবনো বজায়ো, সুনী

ভয়ো পরিতাপু পাপু জননী-জনককো ॥

বারেতেং ললাত-বিললাত দ্বার-দ্বার দীন,
জানত হো চারি ফল চারি হী চনককো ॥

তুলসী সো সাহেব সমর্থকো সুসেবকু হৈ,
সুনত সিহাত সোচু বিধিহু গনককো।
নামু রাম! রাবরো সয়ানো কিধৌং বাবরো,
জো করত গিরীশ্তেং গরু তনতেং তনককো ॥

১০২

বেদহুঁ পুরান কহী, লোকহুঁ বিলোকিত,
রামনাম হী সোং রীঝেং সকল ভলাগৈ হৈ।
কাসীহু করত উপদেশত মহেসু সোষ্ট,
সাধনা অনেক চিতগৈ ন চিত লাগৈ হৈ ॥

ছাছীকো ললাত জে, তে রামনামকেং প্রসাদ,
খাত, খুনসাত সোন্ধে দূধকী মলাঈ হৈ।
রামরাজ সুনিঅত রাজনীতিকী অবধি,
নামু রাম! রাবরো তৌ চামকী চলাঈ হৈ॥

সোচ-সঙ্কটনি সোচু সঙ্কটু পরত, জর
জরত, প্রভাউ নাম ললিত ললামকো।
বুড়িও তরতি বিগরীও সুধরতি বাত,
হোত দেখি দাহিনো সুভাউ বিধি বামকো॥

ভাগত অভাও, অনুরাগত বিরাগু,ভাও
জাগত আলসি তুলসীহু-সে নিকামকো।
ধাঈ ধারি ফিরিকৈ গোহারি হিতকারী হোতি,
আঈ মীচু মিটিতি জপত রামনামকো॥

১০৩

আঁধরো অধম জড় জাজরো জরাঁ জবনু
সূরকেং সাবক ঢকাঁ ঢকেল্যো মগমেং।

গিরো হিঁ হরি 'হরাম হো, হরাম হন্যো'
হায়! হায় করত পরীগো কালফগমেং॥

'তুলসী'বিসোক হৈ ত্রিলোকপতি লোক গয়ো
নামকেং প্রতাপ, বাত বিদিত হৈ জগমেং।
সোঈ রামনামু জো সনেহসোং জপত জনু,
তাকী মহিমা কোং কহী হৈ জাতি অগমেং ॥

জাপকী ন তপ-থপু কিয়ো, ন তমাই জোগ,
জাগ ন বিরাগ, ত্যাগ, তীরথ ন তনকো।
ভাঈকো ভরোসো ন থরো-সো বৈরু বৈরীহু সোং,
বলু অপনো ন, হিতু জননী ন জনকো॥

লোককো ন ডরু, পরলোককো ন সোচু, দেব-
সেবা ন সহায়, গবুঁ ধামকো ন ধনকো।
রামহী কে নামতে জো হোঈ সোঈ নীকো লাগৈ,
ঐসোঈ সুভাউ কছু তুলসীকে মনকো॥

১০৪

ঈসু ন, গনেসু ন, দিনেসু ন, ধনেসু ন,
সুরেসু,সুর,গোরি, গিরাপতি নহি জপনে।
তুহরেঈ নামকো ভরোসো ভব তরিবেকো,
বৈঠেং-উঠে, জাগত-বাগত, সোঈ সপনেং॥

তুলসী হৈ বাবরো সো রাবরোঈ রাবরী সোং,
রাবরেউ জানি জিয়ঁ কীজিএ জু অপনো।
জানকীরমন মেরে! রাবরেং বদনু ফেরেং,

ঠাউঁ ন সমাউঁ কহাঁ, সকল নিরপনে॥
জাহির জহানমেং জমানো এক ভাঁতি ভয়ো,
বেঞ্চিএ বিবুধধেনু রাসভী বেসাহিএ।
ঐসেউ করাল কলিকালমেং কৃপাল ! তেরে
নামকেং প্রতাপ ন ত্রিতাপ তন দাহিএ॥

তুলসী তিহারো মন-বচন-করম, তেংহি
নাতেং নেহ-নেমু নিজ ওরতেং নিবাহিএ।
রক্ষকে নেবাজ রঘুরাজ ! রাজা রাজনিকে,
উমরি দরাজ মহারাজ তেরী চাহিএ॥

১০৫

স্বারথ সয়ানপ, প্রপঞ্চ পরমারথ,
কহায়ো রাম! রাবরো হৌং, জানত জহান হৈ।
নামকেং প্রতাপ বাপ ! আজু লৌং নিবাহী নীকেং,
আগেকো গোসাঈ ! স্বামী সবল সুজান হৈ॥

কলিকী কুচালি দেখি দিন-দিন দূনী, দেব!
পাহরুঈ চোর হেরি হিএ হহরান হৈ।
তুলসীকী ,বলি, বার-বারহীং সঁভার কীবী,
জদ্যপি কৃপানিধানু সদা সাবধান হৈ॥

দিন-দিন দূনো দেখি দারিদু দুকালু দুখু
দুরিত দুরাজু সুখ-সুকৃত সকোচ হৈ।
মাগেং পৈন্ত পাবত পচারি পাতকী প্রচণ্ড,
কালকী করালতা, ভলেকো হোত পোচ হৈ॥

আপনেং তৌ একু অবলম্বু অম্ব ডিম্ব জ্যোং,

সমর্থ সীতানাথ সব সঙ্কট বিমোচ হৈ।

১০৬

তুলসীকী সাহসী সরাহিএ কৃপাল রাম!
নামকেং ভরোসেং পরিনামকো নিসোচ হৈ॥

মোহ-মদ মাত্যো, রাত্যো কুমতি-কুনারিসোং,
বিসারি বেদ-লোক-লাজ,আঁকরো অচেতু হৈ।
ভাবে সো করত, মুঁহ আবে সো কহত, কছু
কাহুকী সহত নাহিং, সরকশ হেতু হৈ॥

তুলসী অধিক অধমাঈ হু অজামিলতেং,
তাহুমেং সহায় কলি কপটনিকেতু হৈ।
জৈবেকো অনেক টেক, এক টেক হৈবেকী, জো
পেট-প্রিয়পুত হিত রামনামু লেতু হৈ॥

কলিবর্ণন

জাগিএ ন সোইএ, বিগোইএ জনমু জাঁ,
দুখ, রোগ রোইএ, কলেসু কোহ-কামকো।

১০৭

রাজা-রক্ষ, রাগী ও বিরাগী, ভুরিভাগী, যে
অভাগী জীব জরত, প্রভাউ কলি বামকো॥

তুলসী! কবন্ধ-কৈসো ধাইবো বিচারু অন্ধ !

ধন্ধ দেখিঅত জগ, সোচু পরিণামকো।
সোইবো জো রামকে সনেহকী সমাধি-সুখু
জাগিবো জো জীহ জপৈ নীকেং রামনামকো॥

বরন-ধরম গমো, আশ্রম নিবাসু তজ্যো,
গ্রাসন চকিত সো পরাবনো পরো-সো হৈ।
করমু উপাসনা কুবাসনাঁ বিনাস্যো গ্যানু
বচন-বিরাগ, বেষ জগতু হরো-সো হৈ॥

গোরখ জগায়ো জোগু, ভগতি ভগায়ো লোগু,
নিগম-নিয়োগতেং সো কেল হী ছরো-সো হৈ।
কাই-মন-বচন সুভায়ঁ তুলসী হৈ জাহি
রামনামকো ভরোসো, তাহিকো ভরোসো হৈ॥

১০৮

বেদ-পুরান বিহাই সুপন্ডু কুমারগ, কোটি কুচালি চলী হৈ।
কালু করাল, নৃপাল কৃপাল ন, রাজসমাজু বড়োঙ্গি ছলী হৈ॥

বর্ন-বিভাগ ন আশ্রমধর্ম, দুনী দুখ-দোষ-দরিদ্র-দলী হৈ।
স্বারথকো পরমারথকো কলি রামকো নামপ্রতাপু বলী হৈ॥

ন মিটে ভবসঙ্কট, দুর্ঘট হে তপ, তীরথ জন্ম অনেক অটো।
কলিমং ন বিরাগু, ন গ্যানু কহঁ, সবু লাগত ফোকট ঝুঠ-জটো॥

নটু জ্যাং জনি পেট-কুপেটক কোটিক চেটক-কৌতুক-ঠাট ঠটো।
তুলসী জো সদা সুখু চাহিঅ তৌ, রসনাঁ নিসি-বাসর রামু রটো॥

দম দুর্গম, দান, দয়া, মথ, কর্ম, সুধর্ম অধীন সবৈ ধনকো।
তপ, তীরথ, সাধন, জোগ, বিরাগসোং হোই, নহীং দূঢ়তা তনকো॥

কলিকাল করালমুং 'রামকৃপালু' যহৈ অবলম্বু বড়ো মনকো।
'তুলসী' সব সঞ্জমহীন সবৈ, এক নাম-অধারু সদা জনকো

পাই সুদেহ বিমোহ-নদী-তরনী ন লহী, করনী ন কছু কী।
রাঙ্কথা বরনী ন বনাই, সুনী ন কথা প্রহ্লাদ ন ধ্রুতী॥

অব জোর জরা জরি গাতু গয়ো, মন মানি গলানি কুবানি ন মূকী।
নীকেং কৈ ঠীক দগৈ তুলসী, অবলম্ব বড়ী উর আথর দূকী॥

রাম-নাম-মহিমা

রামু বিহাই 'মরা' জপতেং বিগরী সুধরী কবিকোকিলহু কী।
নামহি তেং গজকী, গনিকাকী, অজামিলকী চলি গৈ চলচুকী॥

নামপ্রতাপ বড়ং কুসমাজ বজাই রহী পতি পাণ্ডুবধুকী।
তাকো ভলো অজহু 'তুলসী' জেহি প্রীতি-প্রতীতি হৈ আথর দূকী॥

নাম অজামিল-সে খল তারন, তারন বারন-বারবধুকো।
নাম হরে প্রহলাদ-বিষাদ, পিতা-ভয়-সাঁসতি সাগরু সূকো॥

নামসোং প্রীতি-প্রতীতি বিহীন গিল্যো কলিকাল করাল, ন চুকো।
রাখিহেং রামু সো জাসু হিঞ তুলসী হলসৈ বলু আথর দূকো

১১০

জীব জহানমেং জায়ো জহাঁ, সো তহাঁ, 'তুলসী' তিহঁ দাহ দহো হৈ।
দোসু ন কাহু,কিয়ো অপনো, সপনেহুঁ নহীং সুখলেসু লহো হৈ॥

রামকে নামতেং হোউ সো হোউ, ন সোউ হিঞ, রসনা হীং কহো হৈ।
কিয়ো ন কছু,করিবো ন কছু, কহিবো ন কছু,মরিবোই রহো হৈ॥

জীজে ন ঠাউ, ন আপন গাউ, সুরালয়হু কো ন সম্বলু মেরেং।
নামু রটো,জমবাস ক্যোং জাউ কো আই সকৈ জমকিঙ্করু নেরেং॥

তুম্হরো সব ভাঁতি তুম্হারিঅ সোং, তুম্হহী বলি হৌ মোকো ঠাহরু হেরেং।
বৈরখ বাঁহ বসাইএ পৈ তুলসী-ঘরু ব্যাধ-অজামিল-থেরেং॥

কা কিয়ো জোণ্ড অজামিলজু,গনিকাঁ মতি পেম পগাঈ।
ব্যাধকো সাধুপনো কহিএ, অপরাধ অগাধনি মেং হী জনাঈ॥

করুনাকরকী করুনা করুনা হিত,নাম-সুহেত জো দেত দগাঈ।
কাহেকো খীঝিঅ রীঝিঅ পৈ, তুলসীহ সোং হৈ, বলি সোই সগাঈ॥

১১১

জে মদ-মার-বিকার ভরে, তে অচার-বিচার সমীপ ন জাহীং।
হৈ অভিমানু তউ মনমেং, জনু ভাষিহৈ দূসরে দীনন পাহীং?॥

জৌ কছু বাত বনাই কহোং, তুলসী তুম্হমেং, তুম্হহু উর মাহীং।
জানকীজীবন! জানত হৌ, হম হৈং তুম্হরে, তুম মেং ,সকু নাহীং

দানব-দেব, অহীস-মহীস, মহামুনি-তাপস, সিংহ-সমাজী।
জগ-জাচক, দানি দুতীয় নহীং, তুমহ হী সবকী সব রাখত বাজী॥

এতে বড়ে তুলসীস! তউ সবরীকে দিএ বিনু ভুখ ন ভাজী।
রাম গরীবনেবাজ! ভএ হো গরীবনেবাজ গরীব নেবাজী॥

কিসবী,কিসান-কুল,বনিক, ভিখারী, ভাট,
চাকর,চপল নট, চোর, চার চেটকী।

১১২

পেটকো পঢ়ত গুন গঢ়ত, চঢ়ত গিরি,
অটত গহন-গন অহন অথেটকী॥

উঁচে-নীচে করম, ধরম-অধরম করি,
পেট হী কো পচত, বেচত বেটা-বেটকী।
'তুলসী' বুঝাই এক রাম ঘনস্যাম হী তেং,
আগি বড়বাগিতেং বড়ী হৈ আগি পেটকী॥

খেতী ন কিসানকো,ভিখারীকো ন ভীখ, বলি,
বনিককো বনিজ, ন চাকরকো চাকরী।
জীবিকা বিহীন লোগ সীদ্যমান সোচ বস,
কহেং এক একন সোং'কহাঁ জাগি, কা করী?'
বেদহুঁ পুরান কহী,লোকহুঁ বিলোকিত,
সাকরে সবৈ পৈ,রাম! রাবরেং কৃপা করী।
দারিদ-দসানন দবাঙ্গি দুনী, দীনবন্ধু!
দুরিত-দহন দেখি তুলসী হহা করী॥

১১৩

কুল- করতুতি-ভুতি-কীরতি-সুরূপ-গুন-
জৌবন জরত জুর, পরৈ ন কল কহীং।
রাজকাজু কুপথ, কুসাজ ভোগ রোগ হী কে,
বেদ-বুধ বিদ্যা পাই বিবস বলকহীং॥

গতি তুলসীকী লখে ন কোউ, জো করত
পব্বয়তেং ছার, ছারে পব্বয় পলক হীং।
কাসোং কীজৈ রোষু দীজৈ কাহী, পাহি রাম!
কিয়ো কলিকাল কুলি থললু থলক হীং॥

ববুর-বহেরেকো বনাই বাণ্ড লাইয়ত,
রুঁধিবেকো সোঙ্গি সুরতরু কাটিয়তু হৈ।
গারী দেত নীচ হরিচন্দহুঁ দধীচিহুঁ কো,
আপনে চনা চবাই হাথ চাটিয়তু হৈ॥

আপু মহাপাতকী, ইসত হরি-হরহুঁ কো,
আপু হৈ অভাগী, ভরিভাগী ডাটিয়তু হৈ।
কলিকো কলুষ মন মলিন কিএ মহত,

মসককী পাঁসুরী পয়োধি পাটিয়তু হৈ॥

১১৪

সুনিএ করাল কলিকাল ভূমিপাল! তুম্হ,
জাহি ঘালো চাহিএ, কহৌ ধোং রাথৈ তাহি কো।
হৌ তৌ দীন দূবরো, বিগারো-চারী রাবরো ন,
মৈংহু তৈংহু তাহিকো, সকল জগু জাহিকো॥

কাম,কোহু লাই কৈ দেখাইয়ত আঁখি মোহি,
এতে মান অকসু কীবেকো আপু আহি কো॥

সাহেবু সুজান, জিনহ স্বানহুঁ কো পঙ্খু কियो,
রামবোলা নামু, হৌং গুলামু রামসাহিকো॥

১১৫

সাঁচী কহৌ,কলিকাল করাল !মৈং চারো-বিগারো তিহারো কথা হৈ।
কামকো, কোহকো,লোভকো, মোহকো মোহিসোং আনি প্রপঙ্খু রহা হৈ॥

হৌ জগনায়কু লায়ক আজু, পৈ মেরিও টেব কুটেব মহা হৈ।
জানকীনাথ বিনা 'তুলসী' জগ দূসরেসোং করিহৌং ন হহা হৈ॥

ভাগীরথী-জলু পানকরৌং,অরু নাম কৈ রামকে লেত নিতৈ হৌং।
মোকো ন লেনো, ন দেনো কছু, কলি ! ভুলী ন রাবরী ওর চিতেহৌ॥

জানি কৈ জোরু করৌ, পরিণাম তুম্হৈ পছিতৈহৌ, পৈ মৈং ন ভিতেহৌং।
ব্রাহ্মন জ্যোং উগিল্যো উরগারি, হৌং ত্যোং হীং তিহারেং হিএঁ ন হিতৈহৌং॥

রাজমরালকে বালক পেলি কৈ পালত-লালত খুসরকো।
সুচি সুন্দর সালি সকেলি, সো বারি কৈ বীজু বটোরত উসরকো॥

গুন-গ্যান-গুমানু, ভঁভেরি বড়ী, কলপদ্রুমু কাটত মূসরকো।
কলিকাল বিচারু অচারু হরো, নহিং সূঝৈ কছু ধমধূসরকো॥

১১৬

কীবে কথা,পড়িবেকো কথা ফলু, বৃঝি ন বেদকো ভেদু বিচারেং।
স্বারথকো পরমারথকো কলি কামদ রামকো নামু বিসারেং॥

বাদ-বিবাদ বিষাদু বড়াই কৈ ছাতী পরাঙ্গ ও আপনী জারেং।
চারিহকো, ছহকো, নবকো, দস-আঠকো পার্থু কুকার্থু জ্যোং ফারেং॥

আগম বেদ, পুরান বখানত মারগ কোটিন, জাহিং ন জানে।
জে মুনি তে পুনি আপুহি আপুকো ঈসু কহাবত সিধদ সয়ানে॥

ধর্ম সবে কলিকাল গ্রসে, জপ,জোগ বিরগু লৈ জীব পরানে।
কো করি সোচু মরৈ 'তুলসী' হম জানকীনাথকে হাথ বিকানে॥

ধূত কহৌ, অবধূত কহৌ, রজপুতু কহৌ, জোলহা কহৌ কোউ।
কাহুকী বেটীসোং বেটা ন ব্যাহব, কাহুকী জাতি বিগার ন সোউ॥

১১৭

তুলসী সরনাম গুলামু হৈ রামকো,জাকো রুচৈ সো কহৈ কছু ওউ।
মাঁগি কৈ থৈবৌ, মসীতকো সোইবৌ, লৈবোকো একু ন দৈবেকো দোউ॥

মেরেং জাতি-পাঁতি ন চহৌং কাহুকী জাতি-পাঁতি,
মেরে কোউ কামকো ন হৌং কাহুকে কামকো
লোকু পরলোকু রঘুনাথহী কে হাথ সব,
ভারী হৈ ভরোসো তুলসীকে এক নামকো॥

অতিহী অয়ানে উপখানো নহি বৃঝেং লোগ,
'সাহ হী কো গোটু গোটু হোত হৈ গুলামকো॥

সাধু কৈ অসাধু, কৈ ভলো কৈ পোচ,সোচু কহা,
কাকাহুকে দ্বার পরৌং, জো হৌং সো হৌং রামকো॥

কোউ কহৈ, করত কুসাজ, দগাবাজ বড়ো,
কোউ কহৈ রামকো গুলামু থরো থুব হৈ।
সাধু জানেং মহাসাধু, থল জানেং মহাথল,
বানী ঝুঁঠী-সাঁচী কোটি উঠত হবুব হৈ॥

চহত ন কাহুসোং ন কহত কাহুকী কছু,
সবকী সহত , উর অন্তর ন উব হৈ।
তুলসীকো ভলো পোচ হাথ রঘুনাথহী কে
রামকী ভগতি-ভূমি মেরী মতি দূব হৈ॥

১১৮

জাগেং জোগী-জঙ্গম, জতী-জমাতী ধ্যান ধরৈং

ডরৈং উর ভারী লোভ, মোহ, কোহ,কামকে।
জাগেং রাজা রাজকাজ, সেবক-সমাজ,সাজ,
সোচৈং সুনি সমাচার বড়ে বৈরী বামকে॥

জাগেং বৃধ বিদ্যা হিত পণ্ডিত চকিত চিত,
জাগেং লোভী লালচ ধরনি ,ধন ধামকে।
জাগেং ভোগী ভোগ হীং, বিয়োগী, রোগী সোগবস,
সোবৈং সুখ তুলসী ভরোসে এক রামকে॥

রামু মাতু,পিতু, বন্ধু, সূজন, গুরু, পূজ্য, পরমহিত।

সাহেবু, সখা,সহায়,নেহ-নাতে, পুনীত চিত ॥

দেসু,কোসু, কুলু,কর্ম,দর্ম, ধনু, ধাম,ধরনি, গতি।
জাতি-পাঁতি সব ভাঁতি লাগি রামহি হমারি পতি ॥

১১৯

মহারাজ, বলি জাউঁ, রাম ! সেবক-সুখদায়ক ।
মহারাজ, বলি জাউঁ, রাম !সুন্দর সব লায়ক ॥

মহারাজ, বলি জাউঁ, রাম ! রাজীববিলোচন ॥

বলি জাউঁ,রাম ! করুণায়তন, প্রনতপাল, পাতকহরন।
বলি জাউঁ, রাম ! কলি-ভয়-বিকল তুলসিদাসু রাখিঅ সরন ॥

জয় তাড়কা-সুবাছ-মখন মারীচ-মানহর!
মুনিমথ-রচ্ছন-দচ্ছ, সিলাতারন, করুণাকর !
নৃপগন-বল-মদ সহিত সম্বু-কোদণ্ড-বিহগুন !
জয় কুঠারধরদর্পদলন দিনকরকুলমগুন ॥

জয় জনকনগর-আনন্দপ্রদ, সুখসাগর, সুশমাভবন।
কহ তুলসিদাসু সুরমুকুমনি, জয় জয় জয় জানকিরমন ॥

১২০

জয় জয়ন্ত-জয়কর, অনন্ত, সঙ্কনজনরঞ্জন!
জয় বিরোধ-বধ-বিদুষ, বিবুধ-মুনিগন-ভয়-ভঞ্জন
জয় নিমিচরী-বিরূপ-করন রঘুবংশবিভূষণ!
সুভট চতুর্দশ-সহস দলন ত্রিসিরা-থর-দূষণ ॥

জয় দণ্ডকবন-পাবন-করন,তুলসিদাস-সংসয়-সমন!
জগবিদিত জগতমনি, জয়তি জয় জয় জয় জানকিরমন!
জয় মায়ামগমখন, গীধ-সবরী-উদ্ধারন !
জয় কবন্ধসূদন বিসাল তরু তাল বিদারন !
দবন বালি বলসালি, থপন সুগ্রীব, সন্তুহিত !
কপি করাল ভট ভালু কটক পালন,কৃপালচিতা!
জয় সিয়-বিয়োগ-দুখ হেতু কৃত-সেতুবন্ধ বারিধিদমন !
দসসীস বিভীষন অভয়প্রদ, জয় জয় জয় জানকিরমন !

১২১

রামপ্রেমকী প্রধানতা

কনককুধরু কেদারু, বীজু সুন্দর সুরমনি বর।
সীঞ্চি কামধুক ধেনু সুধাময় পয় বিসুধদতর ॥

তীরথপতি অঙ্কুরসরূপ জঙ্ঘেস রচ্ছ তেহি।
মরকতময় সাখা-সুপুত্র, মঞ্জরয় লচ্ছি জেহি ॥

কৈবল্য সকল ফল, কলপতরু, সুভ সুভাব সব সুখ বরিস।
জায় সো সুভটু সমর্থ পাই রন রারি ন মণ্ডে।
জায় সো জতী কহায় বিষয়-বাসনা ন ছণ্ডে ॥

জায় ধনিকু বিনু দান, জায় নিধন বিনু ধর্মহি।
জায় সো পণ্ডিত পড়ি পুরান জো রত ন সুকর্মহি ॥

সুত জায় মাতু-পিতু-ভক্তি বিনু, তিয় সো জায় জেহি পতি ন হিত।
সব জায় দাসু তুলসী কহে, জোং ন রামপদ নেহ নিত ॥

১২২

কো ন ক্রোধ নিরদহ্যো, কাম বস কেহি নহি কীলহা?
কো ন লোভ দৃঢ় ফন্দ বাঁধি ত্রাসন করি দীলহা ?
কোন হৃদয় নহি লাগ কঠীন অতি নারি-নয়ন-সর?
লোচনজুত নহি অন্ধ ভয়ো শ্রী পাই কোন নর ?
সুর-নাগ-লোক মহিমগুলহঁ কো জু মোহ কীলহা জয় ন ?
কহ তুসিদাসু সো উবরৈ, জেহি রাখ রামু রাজিবনয়ন ॥

ভৌংহ-কমান সঁধান সূঠান জে নারি-বিলোকনি-বানতেং বাঁচে।
কোপ-কুসানু গুমান-অবাঁ ঘট-জ্যোং জিনকে মন আব ন আঁচে।
লোভ সবে নটকে বস হৈ কপি-জ্যোং জগমেং বহ নাচ ন নাচে
নীকে হৈ সাধু সবে তুলসী, পৈ তেঈ রঘুবীরকে সেবক সাঁচে ॥

বেষ সুবনাই সুচি বচন কহৈং চুবাই
জাই তো ন জরনি ধরনি-ধন-ধামকী।

১২৩

কোটিক উপায় করি লালি পালিঅত দেহ,
মুখ কহিঅত গতি রামহীকে নামকী ॥

প্রগটেং উপাসনা, দুরাবৈং দুরবাসনাই,
মানস নিবাসভূমি লোভ-মোহ-কামকী।
রাগ-রোষ-ইরিষা-কপট-কুটিলাগি ভরে
তুলসী-সে ভগত ভগতি চহৈং রামকী ॥

কালিহীং তরুন তন, কালিহীং ধরনি-ধর,
কালিহীং জিতোঙ্গো রন, কহত কুচালি হৈ।
কালিহীং সাধোঙ্গো কাজ, কালিহীং রাজা-সমাজ,
মসক হৈ কহৈ, 'ভার মেরে মেরু হালিহৈ' ॥

তুলসী যহী কুভাঁতি ঘনে ঘর ঘালি আগৈ,
ঘনে ঘর ঘালতি হৈ, ঘনে ঘর ঘালিহৈ।
দেখত-সুনত-সমুঝতহু ন সূঝে সোঙ্গৈ,
কবহুঁ কহ্যো ন কালহু কো কালু কালি হৈ ॥

রামভক্তিকী যাচনা

ভয়ো ন তিকাল তিহুঁ লোক তুলসী-সো মন্দ,
 নিন্দেং সব সাধু, সুনি মানোং ন সকোচু হোং।
 জানত ন জোগু হিয়ঁ হানি মানৈং জানকীসু,
 কাহেকো পরেখো, পাপী প্রপঞ্চী পোচু হোং ॥

পেট ভরিবেকে কাজ মহারাজকো কহায়াং
 মহারাজহুঁ কহ্যো হৈ প্রনত-বিমোচু হোং।
 নিজ অঘজাল, কলিকালকী করালতা
 বিলোকি হোত ব্যাকুল, করত সোঙ্গি সোচু হোং ॥

ধর্ম কেং সেতু জগমঙ্গলকে হেতু ভূমি-
 ভারু হরিবেকো অবতারু লিয়ো নরকো।
 নীতি ও প্রতীতি-প্রীতিপাল চালি প্রভু মানু
 লোক-বেদ রাখিবেকো পনু রঘুবরকো ॥

বানর-বিভীষনকী ওর কে কনাবড়ে হৈং,
 সো প্রসঙ্গু সুনৈং অঙ্গু জরে অনুচরকো।
 রাখে রীতি আপনী জো হোই সোঙ্গি কীজৈ, বলি,
 তুলসী তিহারো ঘর জায়উ হৈ ঘরকো ॥

নাম মহারাজকে নিবাহ নীকো কীজৈ উর
 সবহী সোহাত, মৈং ন লোগনি সোহাত হোং।
 কীজৈ রাম! বার যহি মেরী ওর চষ-কোর
 তাহি লগি রক্ষ জ্যেং সনেহ কো ললাত হোং ॥

তুলসী বিলোকি কলিকালকী করালতা
 কৃপালকো সুভাউ সমুঝত সকুচাত হোং
 লোক এক ভাঁতিকো, ত্রিলোকনাথ লোকবস
 আপনো ন সোচু, স্বামী-সোচহীং সুখাত হোং ॥

প্রভুকী মহতা ওর দয়ালুতা
 তৌলোং লোভ লোলুপ ললাত লালচী লবার,
 বার-বার লালচু ধরনি-ধন-ধামকো।

তবলোং বিয়োগ-রোগ-সোগ, ভোগ জাতনাকো
 জুগ সম লাগত জীবনু জাম-জামকো।
 তৌলোং দুখ-দারিদ্র দহত অতি নিত তনু
 তুলসী হৈ কিঙ্করু বিমোহ-কোহ-কামকো।
 সব দুখ আপনে, নিরাপনে সকল সুখ,

জৌলোং জনু ভয়ো ন বজাই রাজা রামকো॥

তৌলোং মলীন , হীন দীন, সুখ সপনেং ন,
জহাঁ-তহাঁ দুখী জনু ভাজনু কলসকো।
তৌলোং উবেনে পায় ফিরত পেটৌ খলায়
বায় মুহ সহত পরাভৌ দেস-দেসকো।
তবলোং দয়াবনো দুসহ দুখ দারিদকো,
সাথরীকো সোইবো, ওড়িবো বুনৈ থেসকো॥

জবলোং ন ভজৈ জীহঁ জানকী-জীবন রামু
রাজনকো রাজা সো তৌ সাহেবু মহেসকো॥

ঈসনকে ঈস, মহারাজনকে মহারাজ,
দেবনকে দেব, দেব! প্রানহকে প্রান হৌ।

১২৭

কালহুকে কাল, মহাভূতনকে মহাভূত,
কর্মহুকে করম, নিদানকে নিদান হৌ।
নিগম কো অগম, সুগম তুলসীহু-সেকো
এতে মান সীলসিঙ্কু, করুনানিধান হৌ।
মহিমা অপার, কাহু বোলকো ন বারাপার,
বড়ী সাহবীমেং নাথ ! বড়ে সাবধান হৌ॥

আরতপাল কৃপাল জো রামু জেহীং সুমিরে তেহিকো তহঁ ঠাড়েং।
নাম-প্রতাপ-মহামহিমা অঁকরে কিয়ে থোটেউ ছোটেউ বাড়ে॥

সেবক একতেং এক অনেক ভএ তুলসী তিহঁ তাপ ন ডাড়ে।
প্রেম বদৌং প্রহলাদহিকো, জিন পাহনতেং পরমেশ্বরু কাড়ে॥

কাড়ি কৃপান, কৃপা ন কহঁ, পিতু কাল করাল বিলোকি ন ভাগে।
'রাম কহাঁ? সব ঠাউহেং,' খম্বমেং? 'হাঁ'সুনি হাঁক নুকেহরি জাগে॥

বৈরি বিদারি ভএ বিকরাল, কহেং প্রলাদহিকেং অনুরাগে।
প্রীতি-প্রতীতি বড়ী তুলসী, তবতেং সব পাহন পূজন লাগে॥

১২৮

অন্তরজামিহতেং বড়ে বাহেরজামি হেং রাম, জে নাম লিয়েতেং।
ধাবত ধেনু পেনহাই লবাঈ জ্যোং বালক-বোলনি কান কিয়েতেং॥

আপনি বুম্বি কহৈ তুলসী, কহিবেকী ন বাবরি বাত বিয়েতেং।
পৈজ পরেং প্রহলাদহকো প্রগটে প্রভু পাহনতেং, ন হিয়েতেং॥
বালকু বোলি দিয়ো বলি কালকো কায়র কোটি কুচালি চলাঈ।
পাপী হৈ বাপ, বড়ে পরতাপতেং আপনি ওরতেং থোরি ন লাঈ॥

ভূরি দঈং বিষমূরি, ভঈ প্রহলাদ-সুধাঈং সুধাকী মলাঈ।

রামকৃপা তুলসী জনকো কগ হোত ভলেকো ভলাগি ভলাগি॥

কংস করী বৃজবাসিন পৈ করতুতি কুভাঁতি, চলী ন চলাগি।
পতুকে পূত সপূত, কপূত সুজোধন ভো কলি ছোটো ছলাগি॥

১২৯

কানহ কৃপাল বড়ে নতপাল, গএ থল খেচর খীস থলাগি।
ঠীক প্রতীতি কহৈ তুলসী, জগ হোগি ভলে কো ভলাগি ভলাগি॥

অবনীস অনেক ভএ অবনীং, জিনকে ডরতেং সুর সোচ সুখাহীং।
মানব-দানব-দেব সতাবন রাবন ঘাটি রচ্যো জগ মাহীং॥

তে মিলিয়ে ধরি ধুরি সুজোধনু, জে চলতে বহু ছত্রকী ছাহীং।
বেদ পুরান কহৈং, জগু জান, গুমান, গোবিন্দহি ভাবত নাহীং॥

গোপিয়োস্কা অনন্য প্রেম

জব নৈনন প্রীতি ঠগে ঠগ স্যাম সোং, স্যানী সখী হঠি হোং বরজী।
নহি জানো বিয়োগু-সো রোগু হৈ আগোং, ঝুকী তব হোং তেহি সোং তরজী॥

অব দেহ ভগে পট নেহকে ঘালে সোং, বোন্তু করৈ বিরহা-দরজী।
ব্রজরাজকুমার বিনা সুনু ভঙ্গ ! অনঙ্গু ভয়ো জিয়কো গরজী॥

১৩০

জোগ-কথা পঠগে ব্রজকো, সব সো সঠ চেরীকী চাল চলাকী।
উধো জু! কোং ন কহৈ কুবরী, জো বরী নটনাগর হেরি হলাকী॥

জাহি লগৈ পরি জানে সোগে, তুলসী সো সোহাগিনি নন্দললাকী।
জানী হৈ জানপনী হরিকী, অব বাঁধিয়েগী কছু মোটি কলাকী॥

পঠয়ো হৈ ছপদু ছবীলেং কানহ কৈহুঁ কহুঁ
খোজিকৈ খবাসু খাসো কুবরী-সী বালকো।
গ্যানকো গড়েয়া, বিনু গিরাকো পড়েয়া, বার-
খালকো কড়েয়া, সো বড়েয়া উর-সালকো॥

প্রীতিকো বধীক, রস রীতিকো অধিক, নীতি-
নিপুন, বিবেকু হৈ, নিদেসু দেস-কালকো।
তুলসী কহেং ন বনৈ, সহেং হী বনৈগী সব
জোগু ভয়ো জোগকো বিয়োগু নন্দলালকো॥

১৩১

বিনয়

হনুমান বেহ কৃপাল, লাডিলে লখনলাল!

ভাবতে ভরত! কীজৈ সেবক-সহায় জু।
বিনতী করত দীন দূবরো দয়াবনো সো
বিগরেতেং আপু হী সুধারি লীজে ভায় জু॥

মেরী সাহিবিনী সদা সীসপর বিলসতি
দেবি ক্যাং ন দাসকো দেখাইয়ত পায় জু।
খীঝহুমেং রীঝিবেকী বানি সদা রীঝত হৈং,
রীঝে হৈহৈং, রামকী দোহাঙ্গ, রঘুরায় জু॥

বেশ বিরাগকো, রাগ ভরো মনু মায়! কহোং সতিভাব হোং তোসোং।
তেরে হী নাথকো নামু লৈ বেচি হোং পাতকী পারবঁর প্রাননি পোসোং॥

এতে বড়ে অপরাধী অধী কহঁ, তৈং কহঁ, অম্ব! কি মেরো তুঁ মোসোং।

স্বারথকো পরমারথকো পরিপূরন ভো, ফিরি ঘাটি ন হোসোং॥

১৩২

সীতাবট-বর্ণন
জহাঁ বালমীকি ভএ ব্যাধতেং মুনিন্দু সাধু
'মরা মরা' জপেং সিখ সুনি রিষি সাতকী।
সীয়কো নিবাস, লব-কুসকো জনমথল
তুলসী ছুবত ছাঁহ তাপ গরৈ গাতকী॥

বিটপমহীপ সুরসরিত সমীপ সোহৈ,
সীতাবটু পেখত পুনীত হোত পাতকী।
বারিপূর দিগপূর বীচ বিলসতি ভূমি,
অঙ্কিত জো জানকী-চরন-জলজাতকী॥

মরকতবরন পরন ,ফল মানিক-সে
লসৈ জটাজুট জনু রুখবেষ হরু হৈ।
সুশমাকো ঢেরু কৈধোং সুকৃত-সুমেরু কৈধোং,
সম্পদা সকল মুদ-মঙ্গলকো ঘরু হৈ॥

দেত অভিমত জো সমেত প্রীতি সেইয়ে
প্রতীতি মানি তুলসী, বিচারি কাকো থরু হৈ।
সুরসরি নিকট সুহাবনী অবনি সোহৈ
রামরবনিকো বটু কলি কামতরু হৈ॥

১৩৩

দেবধুনি পাস, মুনিবাসু,শ্রীনিবাসু জহাঁ,
প্রাকৃতহুঁ বট-বুট বসত পুরারি হৈং।
জোগ-জপ-জাগকো, বিরাগকো পুনীত পীঠু

রাগিনি পৈ সীঠি ডীঠি বাহরী নিহারি হৈং ॥

'আয়সু', 'আদেস', 'বাবু' ভালো-ভলো ভাবসিধ
তুলসী বিচারি জোগী কহত পুকারি হৈং।
রাম-ভগতনকো তৌ কামতরুতেং অধিক,
সিয়বটু সেয়েং করতল ফল চারি হৈং ॥

চিত্রকূট-বর্ণন

জহাঁ বনু পাবনো সুহাবনে বিহঙ্গ-মৃগ,
দেখি অতি লাগত অনন্দু খেত-খুঁট-সো।

১৩৪

সীতা-রাম-লখন-নিবাসু বাসু মুনিনকো,
সিধ-সাধু-সাধক সবৈ বিবেক-বুট-সো॥

ঝরনা ঝরত ঝারি সীতল পুনীত বারি,
মন্দাকিনি মঞ্জুল মহেসজটাজুট-সো।
তুলসী জোং রামসো সনেহ সাঁচো চাহিয়ে তৌ,
সেইয়ে সনেহসোং বিচিত্র চিত্রকূট সো॥

মোহ-বন-কলিমল-পল-পীন জানি জিয়
সাধু-গাই-বিপ্রনকে ভয়কো নেবারিহৈ।
দীনহীহৈ রজাই রাম, পাই সো সহাই লাল
লখন সমথ বীর হেরি-হেরি মারিহৈ॥

মাদাকিনী মঞ্জুল কমান অসি, বান জহাঁ
বারি-ধার ধীর ধরি সুকর সুধারিহৈ।
চিত্রকূট অচল অহেরি বৈঠ্যা ঘাত মানো
পাতককে ব্রাত ঘোর সাবজ সঁঘারিহৈ॥

লাগি দবারি পহার ঠহী, লহকী কপি লঙ্ক জখা থরখোকী।
চারু চুআ চহঁ ওর চলৈং, লপটেং-ঝপটেং সো তমীচর তৌকী॥

১৩৫

কোং কহি জাত মহাসুশমা, উপমা তকি তাকত হৈ কবি কোং কী।
মানো লসী তুলসী হনুমান হিঞ জগজীতি জরায়কী চৌকী॥

তীর্থরাজ-সুশমা

দেব কহৈং অপনী-অপনা, অবলোকন তীর্থরাজু চলো রে।
দেখি মিটেং অপরাধ অগাধ, নিমজ্জত সাধু-সমাজু ভালো রে॥

সোহৈ সিতাসিতকো মিলিবো, তুলসী হলসৈ হিয় হেরি হলোরে।
মানো হরে ত্বন চারু চরৈং বগরে সুরধেনুকে ধৌল কলোরে॥

শ্রীগঙ্গা-মহাত্ম্য

দেবনদী কহঁ জো জন জান কিএ মনসা, কুল কোটি উধারে।
দেখি চলে ঝগরৈং সুরনারি, সুরেস বনাই বিমান সঁবারে॥

পূজাকো সাজু বিরঞ্ছি রচৈং তুলসী, জে মহাতম জাননিহারে।
ওককী নীব পরী হরিলোক বিলোকত গঙ্গ ! তরঙ্গ তিহারে॥

১৩৬

ব্রহ্ম জো ব্যাপকু বেদ কহৈং, গম নাহিং গিরা গুন-গ্যান-গুনীকো।
জো করতা, ভরতা, হরতা, সুর-সাহেবু, সাহেবু দীন-দুনীকো॥

সোই ভয়ো দ্রবরূপ সহী, জো হৈ নাথু বিরঞ্ছি মহেস মুনীকো।
মানি প্রতীতি সদা তুলসী জলু কাহে ন সেবত দেবধুনীকো॥

বারি তিহারো নিহারি মুরারি ভএঁ পরসেং পদ পাপু লহৌগো॥

ঈস হৈ সীস ধরৌং পৈ ডরৌং , প্রভুকী সমতাঁ বড়ে দোষ দহৌগো॥

বরু বারহিং বার সরীর ধরৌং, রঘুবীরকো হৈ তব তীর রহৌগো।
ভাগীরথী! বিনবৌং কর জোরি, বহারি ন খোরি লগৈ সো কহৌগো॥

১৩৭

অন্নপূর্ণা-মহাত্ম্য

লালচী ললাত, বিললাত দ্বার-দ্বার দীন,
বদন মলীন, মন মিটে না বিস্মরনা।
তাকত সরোধ, কৈ বিবাহ, কৈ উছাহ কছু,
ডোলৈ লোল বৃদ্ধত সবদ ঢোল-তুরনা॥

প্যাসেহুঁ ন পাবৈ বারি, ভূথেং ন চনক চারি,
চাহত অহারন পহার, দারি ঘূর না।
সোককো অগার, দুখভার ভরো তৌলৌং জন
জৌলৌং দেবী দ্রবৈ ন ভবানী অন্নপরনা॥

শঙ্কর-স্তুবন

ভস্ম অঙ্গ, মর্দন অনঙ্গ, সন্তত অসঙ্গ হর।
সীস গঙ্গ, গিরিজা অর্ধঙ্গ, ভূষন ভূজঙ্গবর॥

মুণ্ডমাল, বিধু বাল ভাল, ডমরু কপালু কর।
বিবুধবৃন্দ-নবকুমুদ-চন্দ, সুখকন্দ সুলধর॥

ত্রিপুরারি ত্রিলোচন, দ্বিষসন, বিষভোজন, ভবভয়হরন।

কহ তুলসিদাস সেবত সুলভ সিব সিব সিব সঙ্কর সরন॥

১৩৮

গরল-অসন দিগবসন ব্যসন ভঞ্জন জনরঞ্জন।
কুন্দ-ইন্দু-কর্পর-গৌর সচ্চিদানন্দঘন॥

বিকটবেশ, উর সেষ, সীস সুরসরিত সহজ সুচি।
সিব অকাম অভিরামধাম নিত রামনাম রুচি॥

কন্দর্পদর্প দুর্গম দমন উমারমন গুনভবন হর।
ত্রিপুরারি! ত্রিলোচন! ত্রিগুনপর! ত্রিপুরমখন! জয় ত্রিদসবর॥

অরধ অঙ্গ অঙ্গনা, নামু জোগীসু জোগপতি।
বিষম অসন দিগবসন, নাম বিস্বেসু বীস্বগতি॥

কর কপাল, সির মাল ব্যাল, বিষ-ভূতি-বিভূষণ।
নাম সুন্দ, অবিরুদ্ধ, অমর অনবদ্য, অদূষন॥

বিকরাল-ভূত-বেতাল-প্রিয় ভীম নাম, ভবভয়দমন।
সব 'বিধি সমর্থ, মহিমা অকথ, তুলসিদাস-সংসয়-সমন॥

১৩৯

ভূতনাথ ভয়হরন ভীম ভয়ভবন ভূমিধর।
ভানুমন্ত ভগবন্ত ভূতিভূষণ ভুজঙ্গবর॥

ভব্য ভাববল্লভ ভবেস ভব-ভার-বিভঞ্জন
ভূরিভোগ ভৈরব কুজোগগঞ্জন জনরঞ্জন॥

ভারতী-বদন বিষ-অদন সিব সসি-পতঙ্গ-পাবক-নয়ন।
কহ তুলসিদাস কিন ভজসি মন ভদ্রসদন মর্দনময়॥

নাগো ফিরে কহে মাগনো দেখি 'ন খাঁগো কছ', জনি মাগিয়ে থোরো।
রাঁকনি নাকপ রীঝি করৈ তুলসী জগ জো জুরৈং জাচক জোরো॥

নাক সংবারত আয়ো হৌং নাকহি, নাহিং পিনাকিহি নেকু নিহোরো।
ব্রহ্মা কহে, গিরিজা! সিখবো পতি রাবরো, দানি হৈ বাবরো ভোরো॥

বিশু পাবকু ব্যাল করাল গরং, সরনাগত তৌ তিহঁ তাপ ন ডাড়ে॥

ভূত বেতাল সখা, ভব নামু দলৈ পলমেং ভবকে ভয় গাড়ে॥

১৪০

তুলসীসু দরিদ্র-সিরোমনি, সো সুমিরেং দুখ-দারিদ হোহিং ন ঠাড়ে।
ভৌনমেং ভাঁগ, ধতুরোঙ্গি আঁগন, নাগেকে আগেং হৈং মাগনে বাড়ে॥

সীস বসৈ বরদা, বরদানি, চ্যোবরদা, ধরন্যো বরদা হৈ।
ধাম ধতুরো, বিভূতিকে কুরো, নিবাসু জহাঁ সব লৈ মরে দাহৈং ॥

ব্যালী কপালী হৈ খ্যালী, চহুঁ দিসি ভাঁগকী টাটিনহকে পরদা হৈং।
রাঁকসিরোমনি কাকিনিভাগ বিলোকত লোকপ কো করদা হৈ ॥

দানি জো চারি পদারথকো, ত্রিপুরারি, তিহুঁ পুরমেং সির টীকো।
ভোরো ভলো, ভলে ভায়কো ভুখো, ভলোঈ কিয়ো সুমিরেং তুলসীকো ॥

তা বিনু আসকো দাস ভয়ো, কবহুঁ ন মিটো লঘু লালচু জীকো।
সাধো কথা করি সাধন তৈং, জো পৈ রাধো নহীং পতি পারবতীকো ॥

১৪১

জাত জরে সব লোক বিলোকি তিলোচন সো বিসু লোকি লিয়ো হৈ।
পান কিয়ো বিসু, ভূষন ভো, করুনাবরুনালয় সাই-হিয়ো হৈ।
মেরোই ফোরিবে জোণু কপারু, কিধোং কছু কাহুঁ লখাই দিয়ো হৈ
কাহে ন কান কেরোং বিনতী তুলসী কলিকাল বেহাল কিয়ো হৈ ॥

খায়ো কালকুটু ভয়ো অজর অমর তনু,
ভবনু মসানু, গথ গাঠরী গরদকী।
ডমরু কপালু কর, ভূষন করাল ব্যাল,
বাবরে বড়েকী রীঝ বাহন বরদকী ॥

তুলসী বিসাল গোরে গাত বিলসতি ভূতি,
মানো হিমগিরি চারু চাঁদনী সরদকী।
অর্থ-ধর্ম-কাম-মোক্ষ বসত বিলোকনিমেং,
কাসী করামাতি জোগী জাগতি মরদকী ॥

পিঙ্গল জটাকলাপু মাথেপৈ পুনীত আপু,

পাবক নৈনা প্রতাপ রূপর বরত হৈ।

১৪২

লোয়ন বিসাল লাল, সোহৈ বালচন্দ্র ভাল,
খন্ট কালকুটু, ব্যাল-ভূষন ধরত হৈ ॥

সুন্দর দিগম্বর, বিভূতি গাত, ভাঁগ খাত,
রুরে সৃঙ্গী পুরেং কাল-কন্টক হরত হৈং।
দেত ন অঘাত রীঝি, জাত পাত আকহীকেং
ভোরানাথ জোগী জব ওচর ঢরত হৈং ॥
দেত সম্পদাসমেত শ্রীনিকেত জাচকনি,
ভবন বিভূতি-ভাঁগ, বৃষভ বহনু হৈ।
নাম বামদেব দাহিনো সদা অসঙ্গ রঙ্গ
অধর্দ অঙ্গ অঙ্গনা, অনঙ্গকো মহনু হৈ ॥

তুলসী মহেসকো প্রভাব ভাবহীং সুগম

নিগম-অগমহুকো জানিবো গহনু হৈ।
ভেষ তৌ ভিখারকো ভয়ঙ্কররূপ সঙ্কর
দয়াল দীনবন্ধু দানি দারিদদহনু হৈ॥

১৪৩

চাহৈ ন অনঙ্গ- অরি একৌ অঙ্গ মাগনেকো
দেবোঙ্গ পৈ জানিয়ে, সুভাবসিদ্ধ বানি সো।
বারি বৃন্দ চারি ত্রিপুরারি পর ডারিয়ে তৌ
দেত ফল চারি, লেত সেবা সাঁচী মানি সো॥

তুলসী ভরোসো ন ভবেস ভোরানাথকো তৌ
কোটিক কলেস করৌ, মরৌ ছার ছানি সো।
দারিদ দমন দুখ-দোষ দাহ দাবানল
দুলী ন দয়াল দুজো দানি সুলপানি-সো॥

কাহেকো অনেক দেব সেবত জাগৈ মসান
খোবত অপান, সঠ হোত হঠি প্রেত রে।
কাহেকো উপায় কোটি করত, মরত ধায়,
জাচত নরেস দেস- দেসকে, অচেত রে
তুলসী প্রতীতি বিনু ত্যাগৈ তৈঃ প্রয়াগ তনু
ধনহীকে হেত দান দেত কুরুথেত রে।
পাত দ্বৈ ধতুরেকে দৈ, ভোরৈঃ কৈ, ভবেসসোং,
সুরেসহুকী সম্পদা সুভায়সোং ন লেত রে॥

১৪৪

স্যন্দন, গয়ন্দ, বাজিরাজি, ভলে ভলে ভট,
ধন-ধাম-নিকর করনিহুঁ ন পুজৈ ক্লে।
বনিতা বিনীত, পূত ফাবন সোহাবন, ও
বিনয় বিবেক, বিদ্যা সুভগ সন্নীর জ্বে॥

ইহাঁ ঐসো সুখ, পরলোক সিবলোক ওক,
জাকো ফল তুলসী সো সুনৌ সাবধান হৈ।
জানৈং, বিনু জানৈং, কৈ রিসানৈং, কেলি কবহঁক
সিবহি চঢ়াএ হৈহৈং বেলকে পতৌবা দ্বৈ॥

রতি-সী রবনি, সিন্ধুমৈখলা অবনি পতি
ওনিপ অনেক ঠাঢ়ে হাথ জোরি হারি কৈ।
সম্পদা-সমাজ দেখি লাজ সুররাজহুকৈং
সুখ সব বিধি বিধি দীনৈং, সবাঁরি কৈ॥

ইহাঁ ঐসো সুখ, সুরলোক সুরনাথপদ,
জাকো ফল তুলসী সো কহৈগো বিচারি কৈ।
আককে পতৌআ চারি ফুল কৈ ধতুরেকে দ্বৈ
দীনৈং হৈহৈং বারক পুরারিপর ডারিকৈ॥

দেবসরি সেবোং বামদেব গাউঁ রাবরেহীং
 নাম রামহীকে মাগি উদর ভরত হোং।
 দীবে জোগ তুলসী ন লেত কাহুকো কছুক,
 লিখী ন ভলাঈ ভাল, পোচ ন করত হোং॥

এতে পর হুঁ জো কোউ রাবরো হৈ জোর করৈ,
 তাকো জোর, দেব! দীন দ্বারেং গুদরত হোং।
 পাই কৈ উরাহনো উরাহনো ন দীজো মোহি,
 কালকলা কাসীনাথ কহেং নিবরত হোং
 চেরো রামরাইকো, সুজস সুনি তেরো, হর!
 পাই তর আই রহোং সুরসরিতীর হোং।

বামদেব! রামকো সুভাব-সীল জানিয়ত
 নাতো নেহ জানিয়ত রঘুবীর ভীর হোং॥

অধিভূত বেদন বিষম হোত, ভূতনাথ
 তুলসী বিকল, পাহি! পচত কুপীর হোং।
 মারিয়ে তো অনায়াস কাসীবাস খাস ফল,
 জ্যাইয়ে তো কৃপা করি নিরুজসরীর হোং॥

জীবেকী ন লালসা, দয়াল মহাদেব! মোহি,
 মালুম হৈ তোহি, মরিবেঈকো রহতু হোং।
 কামরিপু! রামকে গুলামনিকো কামতরু!
 অবলম্ব জগদম্ব সহিত চহতু হোং॥

রোগ ভয়ো ভূত-সো, কুসূত ভয়ো তুলসীকো,
 ভূতনাথ, পাহি! পদপঙ্কজ গহতু হোং।
 জ্যাইয়ে তো জানকীরমন-জন জানি জিয়ঁ
 মারিয়ে তো মাগী মীচু সূধিয়ে কহতু হোং॥

ভূতভব! ভবত পিসাচ-ভূত-প্রেত-প্রিয়,
 আপনো সমাজ সিব আপু নীকেং জানিয়ে।
 নানা বেষ, বাহন, বিভূষণ, বসন, বাস,
 খান-পান, বলি-পূজা বিধিকো বখানিয়ে॥

রামকে গুলামনিকী রীতি, প্রীতি সূধী সব,
 সবসোং সনেহ, সবহীকো সনমানিয়ে।
 তুলসীকী সুধরৈ সুধারে ভূতনাথহীকে
 মেরে মায় বাপ গুরু সঙ্কর-ভবানিয়ে॥

গৌরীনাথ, ভোৱানাথ, ভবত ভবানীনাথ।
বিশ্বনাথপুৰ ফিৰী আন কলিকালকী।
সঙ্কর-সে নর, গিরিজা-সী নারীং কাসীবাসী,
বেদ কহী, সহী সসিসেথর কৃপালকী॥

ছমুখ-গনেস তেং মহেসকে পিয়াৰে লোগ
বিকল বিলোকিয়ত, নগরী বিহালকী।

১৪৮

পুৰী-সুৰবেলি কেলি কাটত কিৰাত কলি
নিঠুৱ নিহাৰিয়ে উঘাৰি ডীঠি ভালকী॥

ঠাকুৱ মহেস ঠকুৱাইনি উমা-সী জহাঁ,
লোক-বেদহুঁ বিদিত মহিমা ঠহরকী।
ভট ৰুদ্ৰগন, পুত গনপতি-সেনাপতি,
কলিকালকী কুচাল কাহু তৌ ন হরকী॥

বীসীং বিশ্বনাথকী বিষাদ বড়ো বারানসীং,
বুঝিএ ন ঐসী গতি সঙ্কর-সহরকী।
কৈসে কহৈ তুলসী বুশাসুৱকে বরদানি
বানি জানি সুধা তজি পীবনি জহরকী॥

২

লোক-বেদহুঁ বিদিত বারানসীকী বড়াঈ
বাসী নর নাৰি ঈস-অম্বিকা-সৰূপ হৈং।

১৪৯

কালনাথ কোতবাল দণ্ডকাৰি দণ্ডপানি,
সভাসদ গনপ-সে অমিত অনুপ হৈং॥

তহাউঁ কুচালি কলিকালকী কুৰীতি, কৈধৌং
জানত ন মূঢ় ইহাঁ ভূতনাথ ভূপ হৈং।
ফলেং ফুলৈং ফৈলৈং থলল, সীদৈ সাধু পল-পল
থাতী দীপমালিকা, ঠঠাইয়ত সুপ হৈং॥

পঞ্চকোস পুন্যকোস স্বাৰথ-পৰমাৰথকো

জানি আপু আপনে সুপাস বাস দিয়ো হৈ।
নীচ নর-নাৰি ন সঁভাৰি সকে আদর,
লহত ফল কাদর বিচাৰি জো ন কিয়ো হৈ॥

বাৱী বারানসী বিনু কহে চক্ৰপানি চক্ৰ,
মানি হিতহানি সো মূৱাৰি মন ভিয়ো হৈ।
ৰোসমেং ভৰোসো এক আসুতোস কহি জাত
বিকল বিলোকি লোক কালকূট পিয়ো হৈ॥

রচত বিরঞ্চিত, হরি পালত, হরত হর
 তেরে হীং প্রসাদ অগ- জগ-পালিকে।
 তোহিমেং বিকাশ বিশ্ব ,তোহিমেং বিলাস সব,
 তোহিমেং সমাত, মাতু ভূমিধরবালিকে ॥

দীজে অবলম্ব জগদম্ব ! ন বিলম্ব কীজৈ,

করুনাতরঙ্গগিনী কৃপা-তরঙ্গ-মালিকে।
 রোষ মহামারী, পরিতোষ মহতারা দুনী
 দেখিয়ে দুখারী, মুনি-মানস-মরালিকে ॥

নিপট বসেরে অঘ ঔগুন ঘনরে, নর-
 নারিউ অনেরে জগদম্ব! চেঁরী-চেঁরে হৈং।
 দারিদ-দুখারী দেবি ভূসুর ভিখারী-ভীরু
 লোব মোহ কাম কোহ কলিমল ঘেরে হৈং ॥

লোকরীতি রাখী রাম, সাথি বামদেব জানি
 জনকী বিনতি মানি মাতু ! কহি মেরে হৈং।
 মহামারী মহেসানি! মহিমাকী থানি, মোদ-
 মঙ্গলকী রাসি, দাস কাসীবাসী তেরে হৈং ॥

লোগনিকেং পাপ কৈধৌং, সিধদ-সুর-সাপ কৈধৌং,
 কালকেং প্রতাপ কাসী তিহুঁ তাপ তগৈ হৈ।
 উঁচে, নীচে, বীচকে, ধনিক, রক্ষ, রাজা, রায়
 হঠনি বজাই করি ডীঠি পীঠি দগৈ হৈ ॥

দেবতা নিহোরে, মহামারিহ সোং কর জোরে,
 ভোরানাথ জানি ভোরে আপনী-সী ঠগৈ হৈ।
 করুনানিধান হনুমান বীর বলবান !
 জসরাসি জহাঁ-তহাঁ তেংহীং লুটি লগৈ হৈ ॥

সঙ্কর-সহর সর, নরনারি বারিচর
 বিকল, সকল, মহামারী মাজা ভগৈ হৈ।
 উচ্চরত উতরাত হহরাত মরি জাত,
 ভভরি ভগাত জল-থল মীচুমগৈ হৈ ॥

দেব ন দয়াল, মহিপাল ন কৃপালচিত,
 বারানসীং বাটতি অনীতি নিত নগৈ হৈ ।

পাহি রঘুরাজ ! পাহি কপিরাজ রামদূত !
 রামহুকী বিগরী তুহীং সুধারি লগৈ হৈ ॥

এক তৈ করাল কলিকাল সূল-মূল, তামেং
কোটমেকী খাজু-সী সনীচরী হৈ মীনকী।
বেদ -ধর্ম দূরি গএ,ভূমি চোর ভূপ ভএ,
সাধু সীদ্যমান জানি রীতি পাপ পীনকী॥

দুবরেকো দূসরো ন দ্বার, রাম দয়াধাম!
রাবরীঐ গতি বল-বিভব বিহীন কী।
লাগৈগী পৈ লাজ বা বিরাজমান বিরুদহি,
মহারাজ ! আজু জৌং ন দেত দাদি দীনকী॥

বিবিধ
রামনাম মাতু-পিতু, স্বামি সমরথ, হিতু,
আস রামনামকী, ভরোসো রামনামকো।

১৫৩

প্রেম রামনামহীসোং, নেম রামনামহীকো,
জানৌং নাম মরম পদ দাহিনো ন বামকো॥

স্বারথ সকল পরমারথকো রামনাম,
রামনাম হীন তুলসী ন কাহু কামকো।
রামকী সপথ, সরবস মেরেং রামনাম,
কামধেনু-কামতরু মোসে ছীন ছামকো॥

মারগ মারি,মহীসুর মারি, কুমারগ কোটিককৈ ধন লীয়ো।
সঙ্করকোপসোং পাপকো দাম পরিচ্ছিত জাহিগো জারি কৈ হীয়ো॥
কাসীমেং কন্টক জেতে ভয়ে তে গে পাই অঘাই কৈ আপনো কীয়ো।
আজু কি কালি পরোং কি নরোং জড জাহিঙ্গে চাটি দিবারীকো দীয়ো॥

কুঙ্কুম -রঙ্গ সুঅঙ্গ জিতো, মুখচন্দসো চন্দসোং হোড় পরী হৈ।
বোলত বোল সমৃদ্ধি চুবৈ, অবলোকত সোচ-বিষাদ হরী হৈ॥

গৌরী কি গঙ্গ বিহঙ্গিনিবেষ, কি মঞ্জুল মূরতি মোদভরী হৈ।
পেথি সপ্রেম পয়ান সমৈ সব সোচ-বিমোচন ছেমকরী হৈ॥

১৫৪

মঙ্গলকী রাসি, পরমারথকী থানি জানি
বিরচি বনাঐ বিধি, কেসব বসাই হৈ।
প্রলয়হুঁ কাল রাখী সূলপানি সূলপর,
মীচুবস নীচ সোউ চাহত থসাই হৈ॥

ছাডি ছিতিপাল জো পরীচ্ছিত ভএ কৃপাল,
ভলো কিয়ো থলকো, নিকাই সো নসাই হৈ।
পাহি হনুমান! করুনানিধান রাম পাহি!
কাসী-কামধেনু কলি কুহত কসাই হৈ॥

বিরচী বিরঞ্চকী, বসতি বীষ্ণনাতকী জো,
প্রানহু তেং প্যারী পুরী কেসব কৃপালকী।
জোতিরূপ লিপ্সমঙ্গ অগনিত লিপ্সময়ী
মোচ্ছ বিতরনি, বিদরনি জগজালকী॥

দেবী-দেব-দেবসরি-সিঞ্চদ-মুনিবর-বাস
লোপতি-বিলোকত কুলিপি ভোণ্ডে ভালকী।
হা হা করে তুলসী, দয়ানিধান রাম ! ঐসী
কাসীকী কদর্থনা করাল কলিকালকী॥

১৫৫

আশ্রম-বরন কলি বিবস বিকল ভএ
নিজ-নিজ মরজাদ মোটরী-সী ডার দী।
সঙ্কর সরোষ মহামারিহীতেং জানিয়ত,
সাহিব সরোষ দুনী-দিন-দিন দারদী॥

নারি-নর আরত পুকারত, সুনৈ ন কোউ,
কাহুঁ দেবতনি মিলি মোটা মূঠি মারি দী।
তুলসী সন্তীতপাল সুমিরেং কৃপালরাম
সময় সুকরুনা সরাহি সনকার দী॥

(ইতি উত্তরকাণ্ড)